

漢書門
類號函架冊
三三四九
一六九
五

內閣文庫
漢書
類號冊架
三三四九
一六九
五

釋家 六三

內閣文庫	
番號	漢 3349
冊數	5 (1)
函號	310 144

310-144

0 1 2 3 4 5 6 7 8 9 10

A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale

C Y M

© Kodak, 2007 TM: Kodak



糊などで貼り付けられている部分がめくれない箇所あり
綴じ部(喉部分)の文字など開きが不鮮明な箇所あり

梅氏稽古學序

吳興有大比丘曰寶洲岸公博

學通古今嘗考釋氏事實上下

數千載年經而國緯著書一編

因稽古手鑑既又以爲未備復

因稽古而唐之爲稽古略

釋氏稽古略序

文庫

河國陽

吳興有大比丘曰寶洲。岸公博學通古今。嘗考釋氏事實。上下數千載。年經而國緯。著書一編。曰稽古手鑑。既又以爲未備。復因其舊輯而廣之。爲稽古略。至

正十四年秋九月。太原劉堯輔
爲之持其書。請於余爲序。以冠
其編首。因取而閱之。蓋自有佛
以來。凡名師大德之行業出處。
以及塔廟之興壞。僧侶之衆寡。
靡不具載。本之內典。參之諸史。

旁及於傳記。而間以事之著顯
者爲之據。將以侈歷代之際遇。
而寓勸戒於其間。歲月先後。攷
覈精密。無所遺闕。可謂贍且詳
矣。然猶以略名之。寶洲自謙也。
竊嘗怪夫佛之爲教。自身毒萬

里。遠至於中國。愈久益盛。根本
深固而不可搖拔。其故何也。豈
非扶植其教者。代有其人。與。若
是編之所記。徃徃皆英偉魁傑
之才。自重不屈。卓然有立。而使
王公卿大夫。向慕崇信。奔走之
不暇。則其扶植之功。爲何如。此
師所以加之纂述。表而出之之
意也。傳之言曰。道不同。不相爲
謀。佛氏之書。非余之所學。余特
嘉其聞見之博。用心與力之勤。
道雖不同。而不可以不序。嗚呼。

觀其書而見其教之盛。知彼之
扶植爲有人。則亦可以有感也。
夫。中山李桓序。

續刻釋氏稽古略序

古可稽乎曰烏乎可古不可
稽乎曰烏乎不可威音以後
今日以前成住壞空有而不
有日月炎華旦而復旦日劫

無憑何況今古矣其中聖賢
隱現應緣示感如月在水了
不可執廼有人焉追往烈訂
遺踪取已散之塵而編之而
續之是繪夢也是圖影也然

而紀往開來闡微昭信俾古
德之跡炳然如天漢之昭回
而其所以跡者繇是而可悟
焉未易忽也往叅真寂先師
授予以寶洲稽古略曰法門

源流盡在斯矣予受而卒業
約而不遺核而有則釋氏之
紫陽溧水也然而流行勿遠
漸就晦翳恒懼遺文湮沒致
咎人編摩敘述之苦心若存

若亡隱而勿著名山之藏詎
能無慨乎哉戊寅春王構小
庵於古杏溪延刁師主之雨
晨月夕相與沉吟梵冊寄懷
愷樂陶陶如也一日偶理前

說刃師謂宐重加繡黻以待
來者初以傳述舊聞已乃兼
舉未備附以勝國暨

皇明法苑事蹟勒成一書寶洲
之業復光著若發蒙矣後之

攬此者應化之殊祥奇表往
哲之妙道奇功以迨我

皇祖

列宗冥苻玄契顯揚正覺以不
思議之理成大有爲之運開

序四
卷釐然昭茲雲日俾夫懷疑
者起信論世者可徵考事者
尋微覽跡者悟本所以嘉惠
來學匪曰小補之矣而豈徒
掇敘事之華增多聞之障雲


已渡而摹其悠揚波已逝而
貌其翻湧乎哉

崇禎戊寅歲朱明月佛出世
日蘧庵居士嚴爾珪謹序





國朝圖 本五 運紀

混沌 盤古王




Vertical columns of text, likely bleed-through from the reverse side of the page. The text is mostly illegible due to fading and the texture of the paper.




釋迦文佛宗派祖師授受圖略

宗本正記



- 一祖摩訶迦葉尊者
- 二祖阿難尊者
- 三祖商那和修尊者
- 四祖優波鞠多尊者
- 五祖提多迦尊者
- 六祖彌遮迦尊者
- 七祖婆須密尊者
- 八祖佛陀難提尊者
- 九祖伏駄蜜多尊者
- 十祖脇尊者
- 十一祖富那夜奢尊者
- 十二祖馬鳴大士
- 十三祖迦毗羅大士
- 十四祖龍樹大士
- 十五祖迦那提婆大士
- 十六祖羅睺羅多士
- 十七祖僧迦難提大士
- 十八祖伽耶舍多士
- 十九祖鳩摩羅多士
- 二十祖闍夜多士
- 二十一祖婆修盤頭大士
- 二十二祖摩那羅大士
- 二十三祖鶴勒那大士
- 二十四祖師子尊者



釋氏稽古略

藏庵居士嚴爾圭再刊

烏程職里寶相比丘釋 覺岸 寶洲編集再治

三皇

太昊庖犧氏

風姓。以木德王。都宛丘。潁水梁路陳州之域。上古之人。捕逐禽獸。食肉衣皮。難以致之。太昊教民作網罟以佃。以漁。

參養六畜。且以犧牲享神祇。故曰庖犧氏。後世曰伏犧氏。始畫八卦。造書契。由是文籍生焉。以龍紀官。在位一百一十六年。易曰。伏犧剡木爲舟。剡木爲楫。琴操曰。伏犧作琴。脩身理性。反其天真也。通曆曰。伏犧作二十五絃之瑟。以制婚姻之禮。圖經曰。庖犧生陝西鞏昌路秦州成紀縣。母曰華胥。禹貢雍州之域也。晉寧路河中府霍州有伏牛臺。伏犧伏牛乘馬之所。女媧墓在焉。冀州淮西廬州有女媧古廟。女媧氏 共工氏 大庭氏 柏皇氏 中皇氏 栗陸氏

驪連氏 赫胥氏 尊盧氏 混沌氏 吳英氏 朱襄氏

葛天氏 陰康氏 宋哲宗元祐五年二月。諸葛深紹運圖曰。無懷氏 已上十五氏。合一萬七千七百八十七年。

社稷神 風俗通曰。共工氏之子曰脩。好遠遊。舟車所至。足跡所達。靡不窮覽。故祀以為社神。左傳曰。共工氏有子曰勾龍氏。平水土。故祀以社。禮記曰。共工氏之霸九州也。其子曰后土。能平九州。故祀以為社。又厲山氏之有天下也。其子柱能植五穀。故祀以為稷。蔡邕獨斷曰。周棄播殖百穀。以稷為百穀之長。因以稷名。其神棄。周后稷也。

炎帝神農氏

姜姓。繼伏羲氏。王火德。都魯。今東平路。禹貢兗州之域。時以火食。時天雨粟。乃教民播種五穀。作陶冶斤斧耒耜鋤耨以墾草莽。而五穀興。故曰神農氏。又嘗百草。一日遇七十毒。以一人不足為養。日中為市。乃通有無。以火紀官。在位一百二十年。桓譚新論曰。神農氏削桐為琴。繩絲為弦。以通神明之德。廣雅曰。神農氏琴長三尺六寸。上有五弦曰宮商角徵羽。周文王增二弦曰少宮少商也。

帝承 帝臨 帝明 帝宣 已上八帝皆神農氏。合五百二十年。末年諸侯相伐。歸之黃帝。

黃帝有熊氏

公孫姓。軒轅名。有熊國君少典之子。神農氏為天子。諸侯相侵伐。神農氏弗能征。諸侯侵陵最疆暴者。惟蚩尤。軒轅

土德

脩德治兵。與炎帝氏戰而勝之。擒蚩尤於涿鹿。殺之。今大都路涿鹿。於是諸侯咸歸。軒轅推軒轅代神農氏為天子。黃帝元年丁亥。始立制度。天下不順者從而征之。其土地東至于海。西至于崆峒。今其肅。牖。南至于海。北逐獯鬻。邑於涿鹿之阿。遷徙無常。以兵師為營衛。以雲紀官。有土德之瑞。舉風后。力牧。大鴻。得六相而天地治。神明至。帝受河圖。見日月星辰之象。於是始有星官之書。命大撓探五行之情。占斗綱所建。於是始作甲子。命容成造曆。命隸首作筭數。命伶倫造律呂。命車區占星氣。容成兼而總之。為文章以表貴賤。作舟車以濟不通。畫壄分州。得百里之國萬區。八家為井。井一為鄰。隣三為明。明三為里。里五為邑。邑十為都。都十為師。師十為州。設左右大監。監於萬國。舉封禪之禮。作咸池之樂。遠夷之國莫不入貢。黃帝二十五子。得姓者十四人。為十二姓。姬。酉。祁。已。滕。箴。任。荀。僖。姁。儂。休。正妃二子。一曰玄囂。二曰昌意。皆得為諸侯。黃帝崩。人以僂去。帝在位一百一十年。諡皇甫謐曰。黃帝生陝西鞏昌路秦州壽丘。塚在寧州橋山。雍。蚩黃帝上昇之地。鼎湖。今浙東道。陽城。蚩尤塚。軫。鬩。高七丈。民常十月祀之。有赤氣出如疋絳帛。民名為蚩尤旗。易乾鑿度曰。昔燧人氏仰觀斗極以定方名。庖犧因之而畫八卦。黃帝受命。使大撓造甲子。容成次曆數。五行九宮之說。自此而興。故說

卦云。陽數九者。立天之道曰陰與陽。陰二陽一則天有三焉。立地之道曰柔與剛。柔二剛一則地有三焉。立人之道曰仁與義。義二仁一則人亦有三焉。三三合九。陰陽相包以成萬物。

指南車 黃帝蚩尤戰。蚩尤為大務。軍士皆迷。黃帝作指南車以示四方。遂擒蚩尤殺之。○有熊國 今河南新鄭是也。記

五帝

少昊金天氏

已姓。黃帝子。字青陽。王金德。都窮桑。今濟寧路有鳳凰之瑞。因之以為紀官。在位八十四年。壽終一百歲。

顓頊高陽氏

昌意之子。黃帝孫也。以水德。都帝丘。濮州。堯城。生八才子。平九黎之亂。神人不雜。無相侵瀆。作曆以孟春為元。故帝為曆宗也。土地東至蟠木。西至流沙。南至交趾。北至幽陵。於燕在位七十八年。海外經曰。東海中有山名曰度索。上有大桃樹。屈蟠三千里。地里誌曰。流沙在甘肅省甘州路。郡名張掖。

帝嚳高辛氏

蟠極之子。黃帝曾孫也。王木德。都西亳。今河南路偃師縣也。古洛州。像師。帝生而神聖。自言其名。順天之義。知民之急。仁而威。惠而

言。取天地之財而節用之。撫教萬民而利誨之。推日月而迎送之。明鬼神而敬事之。日月所照。風雨所至。莫不服從。生八才子。謂之八元。在位七十年。壽終一百五歲。崩葬今大名路開州秋山。堯冀子摯。立。在位九年而不善。禪于唐侯。堯

帝堯陶唐氏

帝嚳子摯之弟也。摯立封堯為陶侯。改封唐。故曰陶唐氏。伊祁姓也。堯既受摯禪。以火德都平陽。今晉寧路。茅茨不

火德

剪。土階三尺。冀茨生于庭。冀草也。一日生一莢。至十五日成十五莢。十六日落一莢。至三十日落而盡。胡二莢更生。更落。帝自奉甚薄。賦役甚寡。是時有大風。猥反。人。兪。兪。封。稀。反。胡。鬼。脩。蛇。皆。為。民。害。帝。乃。使。羿。繳。大。風。於。青。丘。之。澤。澤。名。殺。猥。兪。斷。脩。蛇。於。洞。庭。擒。封。稀。於。桑。林。民。乃。悅。洪。水。為。災。四。岳。舉。鯀。也。治。水。九。年。弗。成。帝。之。子。丹。朱。不。肖。求。賢。德。可。以。遜。位。者。群。臣。舉。舜。帝。以。二。女。妻。舜。歷。試。諸。難。納。于。大。麓。德。路。烈。風。雷。雨。不。迷。使。之。攝。位。又。二。十。八。年。帝。崩。堯。在。位。通。舜。攝。共。九。十。八。年。壽。一。百。九。十。八。歲。堯。作。樂。曰。大。章。舜。避。堯。之。子。丹。朱。於。河。南。潁。州。天。下。朝。覲。訟。獄。者。不。歸。丹。朱。而。歸。舜。舜。乃。即。天。子。位。○放。勳。者。總。言。堯。之。德。業。也。

帝舜有虞氏

曰重華。稱都君。黃帝八代孫。黃帝生昌意。昌意生顓頊。顓頊生窮蟬。窮蟬生康敬。康敬生句芒。句芒生嶠牛。嶠牛生

瞽瞍。瞽瞍生舜。姚姓。舜母死。繼母生象。父母及象。常欲殺舜。舜盡孝。梯之道。事父母。待其弟。尤恭。耕於歷山。河漁於雷澤。陶於河濱。澠。離陶丘亭。西所居成聚。二年成邑。三年成都。二十以孝聞。年三十。堯以二女妻之。將遜以位。舜舉高陽氏高辛氏之子。八凱。八元。凱主后土。元布五教於四方。堯於是使舜攝位。帝鴻氏有不才子。號曰渾沌。驩兜也。少皞氏有不才子。號曰窮奇。共工氏。顓頊氏有不才子。號曰檮杌。鯀也。縉雲氏有不才子。號曰饕餮。三苗也。是謂四凶。仕於堯。堯未能去。舜皆投諸四裔。舉禹以治水。舜攝堯位。二十八年。堯崩。舜即天子位。以土德王都蒲阪。今晉寧路。彈五弦琴。歌南風。璇璣玉衡以齊七政。正曆數。閏餘成歲。作樂曰九韶。苗民逆命。敷文德。舞于羽。于兩階。七旬有苗來格。子商均不肖。舜薦禹於天。使之代已位。在位五十年。南巡狩。崩于蒼梧之野。今廣西道梧州。壽一百一十歲。禹避舜之子商均於陽城。天下之人不歸商均而歸禹。禹遂即天子位。國號夏。舜欲造漆器。遇諫而止。貞觀十七年

瑞誕 大星如虹。下流華渚。女節感而生少皞。史有星如虹。感女嫗而生顓頊。舜母感大虹而生舜。帝紀

少皞之前。天下之號象其德。顓頊以來。天下之號因其名。若高陽高辛。皆所與之地。

宋神宗元豐三年。祕書丞劉恕。字道原。著外紀曰。六經惟春秋及易。彖象文言說卦序卦雜卦仲尼所作。詩書仲尼所刪定。皆不稱三皇五帝三王。易下繫曰。古者包犧氏之王天下也。包犧氏沒。神農氏作。神農氏沒。黃帝堯舜氏作。繼世更王而無三五之數。或以包犧至舜為五帝。孔子未嘗道學者不可附會臆說也。管子稱明一者皇。察道者帝。通德者王。謀得兵勝者霸。孔穎達曰。管子書或是後人所錄。非本書也。莊子列子皆寓言誕妄。秦漢學者宗其文辭論議。故競稱三皇五帝。而不知古無其人。仲尼未嘗道也。梁武帝以伏犧神農燧人為三皇。黃帝少皞帝嚳帝摯帝堯為五帝。舜非三王亦非五帝。與三王為四代。其指不通。歷世紛紛莫知定論也。太史公曰。學者多稱五帝尚矣。然尚書獨載堯以來。而百家言黃帝。其文不雅馴。薦紳先生難言之。孔子所傳。宰子問五帝德。及帝繫姓。儒者或不傳。余嘗西至崆峒北。過涿鹿。東漸於海。南浮江淮矣。至長老皆各往往稱黃帝堯舜之處。風教固殊焉。總之不離古文者近是。索隱曰。古文即帝德帝繫二書也。近是聖人之語。予觀春秋國語。其發明五帝德帝繫姓章矣。顧第弗深考。其所表見皆不虛。書缺有間矣。其軼乃時時見於他說。非好學深思。心知其意。固難為淺見寡聞道也。余并論次擇其言尤雅者。故著為本紀書首。

夏

帝禹 王啓 太康 仲康 王相 少康 王杼 王槐 王芒
王泄 不降 王扃 王厘 王孔甲 王臯 王發 履癸桀

帝禹

姓姁氏。黃帝之孫。顓頊生鯀。鯀生禹。當堯之時。洪水滔天。堯命鯀治水。無功。殛之。舜攝位。舉禹續父業。勞身焦思。居外十三年。過

家之門不入。陸行乘車。水行乘船。泥行乘橈。堯崩。禹行相地所有。以貢。及山川之便利。於是水害皆息。九州攸同。四隩可居。

堯於是錫禹玄圭。告其成功。舜即正位。使禹為司空。以宅百揆。天錫洪範九疇。舜倫攸叙。天與禹洛出書。神龜負文。列于背。有數至于九。

禹遂因而第之。以成九類。舜之子商均不肖。舜薦禹於天。使代已位。舜崩。天下之人不歸商均而歸禹。禹即天子位。國號夏。以金德。都韓。

今汴梁路。鈞州陽翟也。豫域。仍有虞。以建寅月為歲首。十寸為尺。色尚黑。牲用玄。以黑為徽號。作樂曰大夏。夏大也。言能大堯舜之德也。

懸鐘鼓。磬鐸鞀。以待四方之士。曰教寡人。以道者擊鼓。論以義者擊鐘。告以事者振鐸。語以憂者擊磬。有獄訟者搖鞀。初舜分天下

為十二州。禹復為九州。收天下美銅鑄為九鼎。以象九州。昔黃帝作車。少皞加牛。奚仲加馬。禹命奚仲為車正。建旌旗。旂旒。以別尊卑等

級。古有醴酪。禹時儀狄作酒。禹飲而甘之。遂疏儀狄。絕旨酒。曰後世必有以酒亡國者。禹任臯陶。益以國政。禹娶塗山氏女生子啓。禹南

巡狩。會諸侯于塗山。承唐虞之盛。執玉帛者萬國。又致于會稽。防風氏後至。禹戮之。有典則以貽子孫。禹嘗薦益於天。七年禹崩。在位九年。壽一百歲。益避位於箕山。天下之人不歸益而歸啓。啓乃即天子位。

文命蔡沈曰。即禹貢所謂東漸西被。朔南暨聲教者是也。神龜出洛。今河東山西道懷孟路。孟州之孟津。周武王伐紂。師會盟津者是也。冀域塗山氏之國。今淮西安豐路臨濠府。會稽今浙

東道。越州紹興路也。橈孟康云。形如箕。行泥上。榻謂以鐵為並揚域。禹崩于會稽。如錐頭長半寸。施之履下。上山不跌。

王啓 禹之子。母塗山氏女。在位十年。崩。

太康 啓子。荒逸。畋獵洛水之表。十旬弗歸。有窮后羿因民之困。距之於河。厥弟五人作歌以怨之。尚書也。在位三十年。失國不得歸。后羿立太康之弟仲康。

仲康 太康弟。羿立之。微弱。幾和湏淫。政出于羿。在位十四年。

王相 仲康子。為羿所逐。失國。居商丘。今河南府路歸德府也。依同姓斟灌斟鄩。鄩氏自立。號有窮。后羿自鉏遷于窮石。因夏氏代夏政不

王相 仲康子。為羿所逐。失國。居商丘。今河南府路歸德府也。依同姓斟灌斟鄩。鄩氏自立。號有窮。后羿自鉏遷于窮石。因夏氏代夏政不

王相 仲康子。為羿所逐。失國。居商丘。今河南府路歸德府也。依同姓斟灌斟鄩。鄩氏自立。號有窮。后羿自鉏遷于窮石。因夏氏代夏政不

王相 仲康子。為羿所逐。失國。居商丘。今河南府路歸德府也。依同姓斟灌斟鄩。鄩氏自立。號有窮。后羿自鉏遷于窮石。因夏氏代夏政不

脩民事。淫于原獸。棄賢不用。信用伯明氏之讒。子寒泥行媚于內。施賂于外。愚弄其民。復愚於羿。羿趨田家。衆殺羿而烹之。以食其子。其子不忍食。煞于窮門。羿在位八年。寒泥因羿室。不改有窮之號。生澆及豷。澆使澆殺斟灌氏及斟鄩氏。滅夏王相。相后乃有仍國君之女。方娠。逃自竇。歸于有仍。生少康。澆處澆于過。處豷于戈。少康既長。爲仍牧正。澆求之。逃奔有虞。爲庖正。虞君妻以二姚。而邑諸綸。有田一成。十里。有衆一旅。五百。布德收夏衆。有夏遺臣曰靡。自有鬲氏。收二國之餘民。以滅澆。而立少康。少康使其臣女艾。滅澆于過。使其子季杼。滅豷于戈。有窮遂亡。澆在位三十二年。史記司馬貞索隱曰。左傳魏莊子曰。帝相既被篡殺。中間經羿澆二氏。蓋三數十年。而此紀總不言之。直云帝相崩。少康立。陳略之甚。相在位二十一年。

中少康 帝相子。滅澆還舊都。復禹之跡。夏道復興。民安。在位二十一年。

越 少康封少子無餘於會稽。號曰於越。自後二十世。周敬王時。勾踐稱王。與吳王戰。敗吳於檣李。今浙西道嘉興路秀州也。揚城。復滅吳。吳敗越於大椒。吳郡太湖也。勾踐用臣范蠡大夫種等謀計。周元王三年。遂乃滅吳。越後爲楚所併。圖經。

勾踐世家

史記曰。夏后帝少康。封庶子於會稽。以奉守禹之祀。文身斷髮。披草萊而邑焉。後二十餘世。至允常。允常之時。與吳

王闔廬戰而相怨。伐允常卒。子勾踐立。是爲越王。元年。吳王闔廬聞允常死。方與師伐越。越王勾踐襲擊吳師。吳師敗於檣李。射傷吳王闔廬。杜預曰。檣李。吳縣南有檣李城。闔廬且死。告其子夫差曰。必毋忘越。三年。勾踐聞吳王夫差。日夜勒兵。且以報越。越欲先吳。未發。往伐之。范蠡諫曰。不可。臣聞兵者凶器也。戰者逆德也。爭者事之末也。陰謀逆德。好用凶器。試身於所末。上帝禁之。行者不利。越王曰。吾已決之矣。遂興師。吳王聞之。悉發精兵擊越。敗之。夫椒。杜預曰。夫椒。在吳郡太湖中。椒山是也。越王乃以餘兵五千人。保棲於會稽。杜預曰。會稽山也。吳王退而圍之。越王謂范蠡曰。以不聽子。故至於此。爲之奈何。蠡對曰。持滿者與天。韋昭曰。天與不與。不可強也。定傾者與人。虞翻曰。人道尚謙。甲以自收。節事者以地。韋昭曰。市利也。謂委管。可彊。甲辭厚禮。以遺之。不許。而身與之市。韋昭曰。市。利也。謂委管。勾踐曰。諾。乃令大夫種行成於吳。膝行頓首曰。君王亡臣。勾踐使陪臣種敢。告下執事。勾踐請爲臣。妻爲妾。吳王將許之。子胥言於吳王曰。天以越賜吳。勿許也。種還以報。勾踐欲殺妻子。燔寶器。觸戰以死。種止。勾踐曰。夫吳太宰嚭貪。可誘以利。請行告之。於是勾踐乃以美女寶器。令種間獻吳太宰嚭。嚭受。乃見大夫種於吳王。種頓首言。

曰。願大王赦勾踐之罪。盡入其寶器。不幸不赦。勾踐將盡殺其妻子。燔其寶器。悉五千人觸戰。必有當也。姪因說吳王曰。越以服為臣。若將赦之。此國之利也。吳王將許之。子胥進諫曰。今不滅越。後必悔之。勾踐賢君。種蠡良臣。若反國將為亂。吳王弗聽。卒赦越。罷兵而歸。勾踐之困會稽也。喟然嘆曰。吾終於此乎。種曰。湯繫夏臺。文王囚羑里。晉重耳。齊小白。莒其卒。王霸。由是觀之。何遽不為福乎。吳既赦越。越王勾踐反國。乃苦身焦思。置膽於坐。坐臥則仰膽。飲食亦嘗膽也。曰。汝忘會稽之耻邪。身自耕作。夫人自織。食不加肉。衣不重裘。折節下賢人。厚遇賓客。振貧弔死。與百姓同其勞。欲使范蠡治國政。蠡對曰。兵甲之事。種不如蠡。鎮撫國家。親附百姓。蠡不如種。於是舉國政屬大夫種。而使范蠡與大夫柘稽行成。為質於吳。一歲而吳歸蠡。勾踐自會稽歸七年。拊循其士民。士民欲用以報吳。大夫逢同諫曰。國新流亡。今乃復殷給。繕飾備利。吳必懼。懼則難必至。且鷺鳥之擊也。必匿其形。今夫吳兵加齊晉。怨深於楚越。名高天下。實害周室。德少而功多。必淫自矜。為越計。莫若結齊親楚。附晉以厚吳。吳之志廣。必輕戰。是我連其權。三國伐之。越承其弊。可克也。勾踐曰。善。居二年。吳王將伐齊。子胥諫曰。未可。臣聞勾踐食不重味。與百姓同苦樂。此人不死。必為國患。吳有越腹心之疾。齊與吳疥癬也。願王釋齊。先

嘗也

越。吳王弗聽。遂伐齊。敗之艾陵。虜齊高國。以歸。讓子胥。子胥曰。王毋喜。王怒。子胥欲自殺。王聞而止之。越大夫種曰。臣觀吳王政驕矣。請試嘗之。貸粟以卜其事。請貸。吳王欲與。子胥諫勿與。王遂與之。越乃私喜。子胥言曰。王不聽諫。後三年。吳其墟乎。太宰嚭聞之。乃數與子胥爭越議。因讒子胥曰。伍員貌忠而實忍人。其父兄不顧。安能顧王。王前欲伐齊。員彊諫。已而有功。用是反怨王。王不備伍員。員必為亂。與逢同共謀。讒之王。王始不從。乃使子胥於齊。聞其託子於鮑氏。王乃大怒。曰。伍員果欺寡人。欲反。使人賜子胥屬鏹劍。以自殺。子胥大笑曰。我令而父霸。我又立若。若初欲分吳國半予我。我不受。已。今若反以讒誅我。嗟乎。嗟乎。一人固不能獨立。報使者曰。必取吾眼。置吳東門。以觀越兵入也。於是吳任嚭政。居三年。勾踐召范蠡曰。吳已殺子胥。導諛者眾。可乎。對曰。未可。至明年春。吳王北會諸侯於潢池。吳國精兵從。王惟獨老弱與太子留守。勾踐復問范蠡。蠡曰。可矣。乃發習流二千。教士四萬人。君子六千人。韋昭曰。君子。謂資良。齊所謂士也。虞翻曰。言君諸御千人伐吳。吳師敗。遂殺吳太子。吳告急於王。王方會諸侯於潢池。懼天下聞之。乃祕之。吳王已盟潢池。乃使人厚禮以請成。越自度亦未能滅吳。乃與吳平。其後四年。越復伐吳。吳士民罷弊。輕銳盡死於齊晉。而越太破吳。因而留圍之三年。吳師敗。已越

遂復棲吳王於姑蘇之山。吳王使公孫雄、馮燭、夫肉袒膝行而前，請成。越王曰：「孤臣夫差敢布腹心，異日嘗得罪於會稽。夫差不敢逆命，得與君王成以歸。今君王舉玉趾而誅孤臣，孤臣惟命是聽。意者亦欲如會稽之赦孤臣之罪乎？」句踐不忍，欲許之。范蠡曰：「會稽之事，天以越賜吳，吳不取。今天以吳賜越，越其可逆天乎？且夫君王蚤朝晏罷，非為吳耶？謀之二十二年，一旦而棄之，可乎？且夫天與弗取，反受其咎。伐柯者其則不遠，君忘會稽之兀乎？」句踐曰：「吾欲聽子言，吾不忍其使者。范蠡乃鼓進兵曰：「王已屬政於執事。」蠡曰：「執事使者去，不者且得罪。」吳使者泣而去。句踐憐之，乃使人謂吳王曰：「吾置王甬東，君百家。」杜預曰：甬，東海中州也。吳王謝曰：「吾老矣，不能事君王。」遂自殺，乃蔽其面曰：「吾無面以見子胥也。」越王乃葬吳王，而誅太宰嚭。句踐已平吳，乃以兵北渡淮，與齊、晉諸侯會於徐州，致貢於周。周元王使人賜句踐胙，命為伯。當是時，越兵橫行於江淮東，諸侯畢賀。號稱霸王。范蠡遂去，自齊遺大夫種書曰：「蜚鳥盡，良弓藏；狡兔死，走狗烹。越王為人，長頸鳥喙，可與共患難，不可與共樂。子何不去？」種見書，稱病不朝。人或讒種，且作亂。越王乃賜種劔曰：「子教寡人伐吳七術，寡人用其三而敗吳，其四在子。子為我從先王試之。」種遂自殺。句踐卒，子王鼫與立。又五世王無彊伐楚，楚威王伐越，殺王無彊。就除史記

王杼

少康子在位十七年

王槐

杼子在位二十六年

王芒

槐子在位十八年。索隱曰：芒音亡，鄒誕生音荒，放反。

命爵

王泄

芒子。六夷服從，始加爵命之制。在位十七年。

王不降

泄子在位五十九年

王肩

不降弟，在位二十二年

王廔

肩子在位二十年

王孔甲

廔子。不務脩德，諸侯多叛。在位三十二年。

王皐

孔甲子在位十一年

王發 皇子在位十三年

王履癸 發子。是為桀。自孔甲以來。諸侯多叛。桀暴戾無道。百姓患之。伐有施氏。娶其女妹喜。寵之。桀自恃天命。指日曰。日亡吾乃亡。關

龍逢黃圖陳諫。桀殺之。湯使人哭之。桀怒。囚湯於夏臺。既而釋之。湯脩德。諸侯畏服。桀起九夷之師伐湯。九夷之師不至。伊尹佐湯伐桀于鳴條。今晉寧路解州。桀戰不勝。奔於三臠之國。湯又從而伐之。放於南巢而死。在位五十一年。夏氏亡。

右夏十七主合四百三十二年天下歸商 史記註四百七十八年

按周禮。自堯已前。未有郡縣。舜巡五嶽。始見州名。尚書禹貢已來。方陳州號。春秋之時。縣大郡小。以郡屬於縣。漢高已來。以縣屬於郡。典誥所明九州禹跡。百郡秦并是也。

帝湯	外丙	仲壬	太甲	沃丁	大庚	小甲	雍巳	太戊
仲丁	外壬	河澶甲	祖乙	祖辛	沃甲	祖丁	南庚	陽甲
盤庚	小辛	小乙	武丁	祖庚	祖甲			
廩辛	庚丁	武乙	太丁	帝乙	受辛紂			

帝湯 黃帝之後。初帝嚳次妃簡狄。見玄鳥墮。卵取而吞之。生契。音契。仕亭。唐虞為司徒。教民有功。封於商。賜姓子氏。契生昭明。昭明生相

土。相土生昌若。昌若生曹圉。曹圉生冥。冥生振。振生微。微生報丁。報丁生報乙。報乙生報丙。報丙生主壬。主壬生主癸。主癸生天乙。是為成湯。為夏方伯。葛伯不祀。仇餉湯始征之。是時伊尹耕于有莘之野。湯使人以幣聘之。因說湯伐夏以救民之事。湯進伊尹于桀。桀不能用。伊尹復歸湯。桀之賢臣費昌亦歸於湯。湯出見張網四面。湯為解其三面。更其祝曰。欲左者左。欲右者右。欲高者高。欲下者下。不用命者入吾網。漢南諸侯聞之曰。湯德及禽獸。歸之者四十餘國。桀暴虐萬姓。伊尹相湯伐桀。費昌為御。戰于鳥條。解州。桀師敗績。湯放桀於南巢。諸侯大會。湯退就諸侯之位曰。天子惟有道者可以處之。可以治之。三讓諸侯皆推湯。於是即天子位。以水德都亳。今河南府路除桀之邪虐。以寬治民。民喜。遠近歸之。改正朔。夏之前皆以建寅之月為正月。湯既革夏命。乃以建丑之月為正月。十二寸為尺。色尚白。牲用白。以白為徽號。服早冠而縞衣。初置二相。以伊尹仲虺為之作樂。曰大濩。在位十三年崩。壽一百歲。太子太丁早卒。次子外丙立。

外丙 湯次子在。古史考伊尹生於空桑。今汴梁路陳留有空桑故城是也。

仲壬 外丙弟在位四年

太 宗 太甲 湯太子太丁之子。既即位，不明厥德，顛覆湯之典刑。伊尹放之桐宮，湯墓也伊尹乃攝政當國，以朝諸侯。太甲居桐三年，自怨自艾，處

仁遷義。伊尹乃以冕服奉太甲，復歸于亳。太甲增加修德，諸侯咸歸，保惠庶民，不敢侮鰥寡。號為太宗，在位三十三年。

沃丁 太甲子在位二十九年

太庚 沃丁弟在位二十五年

小甲 太庚子在位三十六年

雍巳 小甲弟，商道寢衰，諸侯或不至，在位十四年

中 宗 太戊 雍巳弟，以伊陟為相，亳有祥桑穀共生于朝。一暮大拱，太戊問於伊陟，陟曰：妖不勝德，君之政其有闕歟。太戊於是修先王之政，明

養老之禮，早朝晏退，問疾弔喪，三日而祥，枯死三年，遠方重譯而至者七十六國，有賢臣巫咸、臣扈等共輔佐之。商道復興，號稱中宗，在

位七十五年

仲丁 太戊子，亳都有河決之害，遷于囂。囂音敖，有倉曰敖倉。汴梁路，鄭州鴻溝在焉。

外壬 仲丁弟在位五年

河亶甲 外壬弟，踰有河決，遷都于相。河東山西道彰德路也，古相州，名內黃，有河亶甲所築之城，大名充冀二州之域。

祖乙 河亶甲之子，相州河決，遷都于耿。商道復興，在位十九年。耿今晉寧路河中府古蒲州也，冀域。

祖辛 祖乙子在位十六年

沃甲 祖辛弟在位二十年

祖丁 祖辛子在位三十一年

南庚 沃甲子在位二十九年

陽甲

南庚弟。自仲丁已來。子弟爭立。九世亂。諸侯莫朝。商復衰。在位八年。

改盤庚

陽甲弟。商道寢衰。又有河決之害。復遷于亳。臣民怨遷。○改商盤庚作書告諭之。行湯之政。商道復興。在位二十九年。○日殷

小辛

盤庚弟。殷道又衰。在位二十二年。

小乙

小辛弟。自為太子時。備知民事艱難。在位二十一年。

高宗武丁

小乙子。居喪三年不言。夢上帝賚以良弼。乃圖其形求於天下。得傳說於版築之間。命以為相。政事修舉。三年蠻夷編髮重譯來朝。者六國。自是章服多用翟羽。鬼方無道。武丁伐之。三年乃克。殷道復興。號為高宗。在位五十九年。

○**鬼方**

契音丹也。鮮卑之遺種。北狄之國號。居黃水之南。黃龍江之北。在秦漢曰匈奴。在隋唐曰突厥。音漢書音義夏曰獯鬻。商曰

鬼方。周曰玁狁。

祖庚

武丁子在位十七年。

祖甲

祖庚弟。殷復衰。在位十七年。

廩辛

祖甲子在位六年。

庚丁

祖甲次子。在位二十三年。

武乙

庚丁子。時東夷寢盛。分遷海岱。在位五年。獵於河渭之間。被震崩。

○遷都朝歌。今山西衛輝路冀城。

太丁

武乙之子。在位十四年。時周公季伐。戎羗克之。太丁命公季為牧師。館即周祖王季也。

帝乙

太丁子。殷益衰。在位四十七年。帝乙之妾有子。長曰微子啓。次曰中衍。季曰受德。紂也。母為后。紂尚幼。帝乙及后欲立啓為太子。太

史據法爭之曰。有妻之子。不可立妾之子。乃立紂。

受德

紂也。帝乙之子。一名辛。都朝歌。漢曰殷都。即牧野之墟。○今山西衛輝路冀州。

象。紂始為象箸。箕子嘆曰。彼為象箸。必不盛以土簋。將為犀玉之筋。王杯象箸。必不羹菽藿衣短褐。而舍於茅茨之下。則錦衣九重。高

臺廣室稱此以求天下不足矣。遠方珍奇之物。輿馬宮室之漸。自此而始。故吾畏其卒也。紂以周侯昌及九侯鄂侯為三公。九侯進女於紂。女以禮自閑。紂不喜殺之。醢九侯。鄂侯爭之。併殺鄂侯。周侯聞之。歎息。崇侯虎因而譖昌於紂。紂乃囚昌於羑里。今彰德路闕天散宜生之徒患之。乃求有莘氏之美女。驪戎之文馬。有熊之九駟。及珍恠奇物。因殷嬖臣費仲而獻之。紂大悅。乃赦昌。授昌曰西伯。賜弓矢斧鉞。使西伯得征伐。西伯行政善。諸侯來歸之。昌受西伯之命。凡九年卒。又二年昌之子發會諸侯盟津伐紂。紂戰不勝。入登鹿臺之上。衣珠玉自燔。在位三十四年。殷亡。

右商三十主合六百二十八年天下歸周

周

劉恕周外紀曰。文武其先祖。后稷名棄。其母有郃諳氏女曰姜原。為帝嚳元妃。出野見巨人跡。說而踐之。而身動如孕者。居期而生子。以為不祥。棄之隘巷。馬牛辟之不踐。徙置林中。多人遷之。又棄於渠中。水上飛鳥以翼覆之。姜原以為神。遂收養長之。初因棄之故曰棄。好耕農。相地之宜。穀者稼穡焉。民皆法則之。帝堯聞之。舉為農師。天下得其利。有功。封於郃。號曰后稷。別姓姬氏。后稷卒。不窟立。不窟卒。子

鞠立。鞠卒。子公劉立。公劉雖在戎狄之間。復脩后稷之業。百姓懷之多從。而保焉。周道之興實由此始。公劉卒。子慶節立。國於豳。今陝西路慶節卒。子皇僕立。皇僕卒。子萋弗立。萋弗卒。子毀隃。隃卒。子公非立。公非卒。子高圉立。高圉卒。子亞圉立。亞圉卒。子公叔祖立。公叔祖卒。子古公亶父立。大王古公亶父復脩后稷公劉之業。積德行義。國人戴之。獯鬻戎狄攻焉。古公遂去豳。渡漆水。踰梁山。止於岐山之下。山在扶風。嶺豳人舉國扶老攜弱歸古公於岐下。皇於豳。日故豳改古公有長子曰太伯。次曰虞仲。其妃太姜生少子曰季歷。季歷娶太任。皆賢婦人。太任生子曰昌。昌生有聖瑞。太伯虞仲知古公欲立季歷。以傳昌。乃亡如荊蠻。文身斷髮。以讓季歷。古公卒。子季歷立。季歷篤於仁義。諸侯順之。王季卒。子昌立。僖

西伯也	武王	成王	康王	昭王	穆王	共王	懿王	孝王	
夷王	厲王	共和	宣王	幽王	攜平王	桓王	莊王	僖王	
惠王	襄王	頃王	匡王	定王	簡王	靈王	景王	悼敬王	
元王	貞定王	思王	考王	威烈王	安王	烈王	顯王	慎觀王	
文王	伯夷	叔齊	孤竹	君之子	讓國	不仕	聞西伯	善養老	歸焉

太顛闕

天散宜生鬻子辛甲之徒皆歸之。呂望年八十餘。釣渭水。西伯獵。載之歸。尊為太公。虞芮爭田。質於西伯。入境見耕者讓畔。行者讓路。慙而還。以所爭之田讓而不取。漢南諸侯聞而歸者四十餘國。西伯卒。子發嗣位。

孤竹君之國。今遼西之地。周封箕子於朝鮮者是也。隸遼陽省古肅慎地。

武王

諱發。西伯昌之子。既嗣位。以太公望為師。以弟周公旦為輔。召公奭。畢公高皆左右。東觀賁兵至于盟。諸侯不期而會者八百。皆曰紂可伐矣。武王曰未也。乃還師而歸。居二年。紂暴虐滋甚。殺王子比干。囚箕子。紂之兄微子乃抱其樂器而奔。紂周。於是武王徧告諸侯曰。殷有重罪。不可以不伐。乃東伐紂。十二月戊午。師畢渡盟津。諸侯咸會。陳師牧野。即紂之都。今河東紂發兵七十萬人。拒武王。衆倒戈無戰心而潰。紂乃登於鹿臺之上。衣其珠玉。自燔於火而死。武王斬紂頭懸大白之旗。於時諸侯尊武王為天子。已卯。武王元年。殷初定。乃使其弟管叔鮮。蔡叔度相紂之子武庚治殷。命召公奭釋箕子之囚。畢公釋百姓之囚。表商容之間。命南宮括散鹿臺之財。發鉅橋。矜躄之粟。以拯貧弱。氓隸命閔天。封比干之墓。肅輝路也。命宗祝饗祠于軍。乃罷兵西歸。武王追思先聖。褒封神農之後於焦。乾

州黃帝之後於祝。帝堯之後於蓊。帝舜之後於陳。大禹之後於

杞。封功臣謀士。師尚父為首於營丘。曰齊。周公於曲阜。曰魯。召公於

蓊。曰北燕。畢公高於畢。弟叔鮮於管。叔度於蔡。叔振鐸於曹。叔武

於郁。叔處於霍。康叔封衛。聃季載皆少。未封。制天下立七十一國。封

兄弟之國十有五人。姬姓之國四十人。改正朔。以建子月為正。月色

尚青。服以冕。王木德。以居鎬。武王問箕子以天道。作洪範。謫諸封箕

子於朝鮮。西地。而不臣也。餘各以次受封。武王將營居於洛邑。縱馬

建子木德

於華山之陽。放牛於桃林之野。踰陝。偃于戈。振兵釋旅。王二年有

疾。周公為壇告太王。王季。文王。請代武王之死。武王遷都於鄘。文王

之廟在鄘。武王作樂。曰大武。在位七年。壽九十三。初舜肇

十二州。以冀州南北廣大。分燕北地為幽州。夏殷併幽為冀。周襄王

二十八年。北燕伯朝。晉稱北燕。蓋有南燕故也。堯之後其南燕乎。北

燕姬姓。召公之後也。南燕姬姓。后稷妃家也。

詩

初殷紂命西伯昌。典治南國。江漢汝旁之諸侯作邑於鄴。西伯命岐邦。周召之地為周公奭之采地。至武王定天下。巡狩述職。陳誦諸侯之詩。以觀民風。得周召二公之德。教尤純。屬之太師。分而國之。曰周南。國風。召南。國風。周公作樂。用之鄉人焉。用之邦國焉。

○ 文王時詩 **周南**

十一篇 關雎 葛覃 卷耳 樛木 螽斯 桃夭 兔置 采芣 漢廣 汝墳 麟之蛇

忽南 十二篇 鵲巢 采芣 草蟲 采

蘋 行露 羔羊 殷其雷 標有梅

小雅 八篇 鹿鳴 四牡 皇皇者華 小星 江有汜 野有死麕 騶虞

大雅 五篇

棫樸 思齊 皇矣 靈臺 旱麓

○ 武王時 **召南**

二篇 甘棠 何彼農矣 **小雅** 四篇 魚麗 南陔 白華 華黍 **頌** 四篇 時邁

桓賚般

陳

帝舜之後 虞幕 裔孫 闕父 之子 胡公滿 武王克殷 以元女太姬妻之 封諸陳 賜姓 媯氏 媯蕩是也 國陳 踰 隄 梁 自滿 五世 至慎公年 不可考 慎公 圉 戍 之子 幽公立 而後 可紀 二十四君 合六百四十五年 始武王元年 已卯 終敬王四十二年 癸亥

周共和元年 共和十一年 宣王三十三年 幽王五年

陳幽寧十四年 僖公孝元年 武王靈元年 夷公說元年 平公燮元年

平王十七年 平王二十二年 桓王十四年 桓王二十四年 莊王五年

文公圉元年 桓公鮑元年 厲公佗元年 利公囿 莊公 宣公杵臼元年

襄王五年 襄王二十一年 頃王六年 定王九年 靈王四年

穆公欵元年 共公朔元年 靈公平國 卒 成公午元年 哀公弱元年

景王三十六年 敬王十五年 敬王十九年 敬王四十二年

惠公吾元年 懷公柳元年 閔公越元年 陳為楚滅

齊

太公望 生冀州 其先出於神農氏 嘗為四嶽伯益 佐禹 治水有功 賜姓姜氏 封於呂 至太公望為文王武王師 號尚父 封於齊 都營丘 嶺

東益都路古青州也 武王命太公曰 五侯九伯 汝得征之 齊由此得征 伐為上

國 自尚父七世 至獻公年 不可考 獻公子武公立 年始可紀 始武王元年 已卯 至安王二十三年 壬寅 康公薨於海上 國為田氏 秦始皇

帝二十六年 庚辰 王建降于秦 通三十一主 合七百四十四年 國亡 初陳敬仲 十一世 孫完 周惠王五年 奔齊 以陳氏為田氏 五世生桓

子始 大於齊 又三世 成子得齊政 田常生襄子盤 盤生莊子白 白生

太公和 相齊 齊康公淫於酒色 不聽政 安王十一年 田和遷康公於

海上 使食一城 以奉其先祀 安王十三年 田和會魏文侯 楚人衛人 於濁澤 求為諸侯 魏文侯為之請於王 及諸侯 王許之 十六年 王命

和為侯 王十七年 和薨 子桓公午立 王二十三年 齊康公薨於海上 無子 田氏遂并齊而國之 是歲 桓公午亦薨 子威王田齊立 田氏冒齊入戰國

周共和元年 宣王四年 宣王十三年 宣公二十五年 宣王三十四年 武公壽十年 厲公無忌元年 文公赤元年 成公說元年 莊公購元年

平王四十一年	桓王二十三年	莊王十二年	惠王十年	賜命襄王十年
僖公祿父卒	襄公覽卒	無知	桓公自元年	齊為侯伯無詭
襄王二十年	匡王元年	匡王五年	定王九年	簡王五年
昭公潘卒	懿公商人卒	惠公元元年	頃公無野元年	靈公環元年
靈王十九年	靈王二十五年	敬王三十一年	敬王三十二年	敬王三十六年
莊公光元年	景公杵臼元年	孺子荼元年	悼公陽位元年	簡公壬元年
敬王四十年	貞定王十四年	威烈王二十二年	安王十年	田和安王十三年
平公騫元年	宣公積元年	康公貸元年	遷康公於海上	田和求為諸侯
安王十六年	王命安王十七年	和薨安王二十四年	顯王三十七年	赧王二年
太公和為魯	桓公午元年	齊威王薨元年	宣王元年	湣王元年
赧王三十二年	赧王五十一年	秦始皇二十六年	襄王法章卒	王建元年
王建法章卒	王建元年	王建降秦國王		
孟軻	顯王四十四年	齊宣王以孟軻為上卿	赧王十七年	秦請齊孟嘗君
軻	田文為相	既而不用乃囚之	得亡去	赧王二十九年
齊湣王既滅宋	欲并二周為天子	燕昭王謀伐齊	諸侯害齊王之暴	皆爭合謀
齊王	三十一年	燕以樂毅為上將軍	并將秦魏韓趙之兵	伐齊
齊師大敗	齊王走莒	楚使淖齒弑之	赧王三十二年	齊亡
臣王孫賈相與求湣	王子法章立之	是為襄王	保昌	三十六年
齊田單火牛復齊	始皇二			

十六年秦攻齊齊王建降秦遷建於共共州城餓而死齊田氏一百八十二年合尚父之初封共九百二十六年

魯

周公旦文王子武王弟也佐武王克殷封於魯都曲阜而今山東濟寧路兗州九乃可紀始武王元年已卯終秦孝文王元年辛亥三十

周共和元年	宣王十一年	宣王十三年	宣王二十二年	宣王三十三年
慎公濞七年	武公敖元年	懿公戲元年	伯御自立	孝公稱元年
平王二年	平王四十九年	桓王九年	莊王四年	惠王十六年
惠公不皇卒	隱公怠始卒	桓公元元年	莊公同元年	閔公開元年
惠王十八年	襄王二十六年	匡王五年	定王十七年	簡王十四年
僖公甲元年	文公興元年	宣公倭元年	成公黑肱元年	襄公午元年
景王四年	敬王十一年	敬王二十六年	考王十一年	威烈王十七年
昭公祠元年	定公宋元年	哀公蔣元年	元公嘉元年	穆公衍元年
安王二十六年	顯王十五年	顯王二十四年	慎靚王五年	赧王十九年
共公奮元年	康公毛元年	景公偃元年	平公旅元年	湣公賈元年
赧王四十二年	秦孝文王元年			
頃公元年	國亡	三桓	惠王十四年	魯莊公立叔孫氏
		惠王十七年	魯閔公立孟孫氏	
		惠王三十年	魯僖公立季孫氏	

魯王各

北燕

召公奭武王弟。武王克殷封之於北燕。薊州時自陝以西。召公主之聽訟治民各得其所。公卒。民懷之。以其嘗聽事甘棠樹下。不敢伐。作甘棠詩以美之。召公下九世年不可考。惠侯立。周共和元年而後可紀。始武王元年已卯。顯王三十六年入戰國。○ 惠侯元年

宣王二年 宣王二十八年 平王五年 平王七年 平王四十二年

僖侯元年 頃侯元年 哀侯元年 蕲侯元年 穆侯元年

桓王十年 桓王二十三年 莊王七年 頃王二年 定王六年

宣侯元年 桓侯元年 莊公元年 襄公元年 宣公元年

定王二十一年 簡王十二年 靈王十八年 靈王二十四年 景王六年

昭公元年 武公元年 文公元年 懿公元年 惠公元年

景王十年 景王十七年 景王二十二年 敬王十六年 敬王二十八年

悼公元年 共公元年 平公元年 簡公元年 獻公元年

貞定王五年 貞定王二十年 考王八年 烈王四年 烈王七年

考公元年 成公元年 閔公元年 僖公元年 桓公元年

顯王八年 顯王三十四年 顯王三十七年 慎靚王元年 赧王四年

文公元年 文公卒 易王元年 王噲元年 昭王平元年

赧王三十六年 赧王四十四年 赧王五十九年 秦昭襄王五十五年 始皇帝二十五年

惠王元年 武成王元年 孝王元年 王喜元年 國滅

顯王三十四年燕文公卒。合七百九十年。自後入戰國也。顯王四十六年燕稱王。赧王三年燕王噲十年也。噲以國讓其相子之為王。燕人攻子之。國大亂。齊王伐燕取子之醢之。殺燕王噲。燕人共立太子平。是為昭王。昭王築臺置千金於臺上。以招延天下士。郭隗始應之。秦始皇二十五年秦虜燕王喜。國滅。燕入於戰國。凡一百六年。合初封共八百九十六年。

蔡

叔度。文王子。武王封之。使之相武庚。穰與管叔流言作亂。周公相成王。放叔度於郭鄰。其子胡率德改行。復封於蔡。蔡州梁鄆汝寧有。自叔度五世至厲侯年不可考。厲侯子武王立。而後可紀。始武王元年已卯。終貞定王二十二年甲午。二十五君合六百七十六年。楚惠王滅。

周共和元年 共和五年 宣王十九年 平王十年 平王十二年

武侯二十三年 定侯元年 僖侯所事元年 共侯與元年 戴侯元年

平王二十二年 桓王六年 莊王二年 惠王三年 襄王七年

宣侯楷父元年 桓侯封人元年 哀侯獻舞元年 穆侯胥元年 莊王卅元年

匡王二十一年 定王十六年 景王三年 景王十六年 景王二十四年

文侯申元年 景侯同元年 靈侯般元年 平侯盧元年 悼侯東齒元年

敬王二年 敬王三十年 貞定王十三年 貞定王十七年 貞定王二十二年
昭侯甲元年 成侯朔元年 聲侯產元年 元侯齊元年 國十

初莊王十五年蔡哀侯
為楚虜在楚九年而卒

曹 叔振鐸文王子武王封之於曹濟寧州曹城五世至孝伯年不可考
孝伯之子夷伯立而後可紀始武王元年巳卯終敬王三十三年甲

寅二十五君合六百三
十六年宋景公滅之 周共和元年共和八年 宣王三年
宣王三十三年平王十二年平王十五年桓公十九年惠王七年
僖伯喜十四年 幽伯強元年 戴伯蘇元年

惠伯兕元年 穆公武元年 桓公終生元年 莊公射姑元年 僖公夷元年
惠王十六年惠王二十五年 頃王元年 定王十三年簡王九年
昭公班元年 共公襄元年 文公壽元年 宣公盧元年 成公負芻元年

靈王十八年景王十八年景王二十二年 敬王六年 敬王十一年
武公勝元年 平公頃元年 悼公午元年 聲公野元年 隱公通元年
敬王十五年敬王十九年敬王三十三年

靖公露元年 曹伯陽元年 國滅

吳 泰伯弟虞仲之後也初古公亶父大王長子曰泰伯次曰虞仲少曰
季歷也王季歷生昌也王昌生有聖瑞泰伯虞仲知古公欲立季歷

以傳昌乃亡如荆蠻文身斷髮以讓季歷是曰勾吳號為吳泰伯無
子虞仲生季簡季簡生叔達叔達生周章武王克殷求其後得周章
時已君吳矣因封之於吳今浙西道平江十三世至夫齊年不可考
去齊子壽夢立吳始大稱王而後可紀始武王元年巳卯終元王三
年戊辰二十君六百
五十年越勾踐滅之

周簡王元年靈王十一年靈王二十五年景王元年 景王十九年
壽夢元年 諸樊元年 餘祭元年 餘昧元年 王僚元年
敬王六年 敬王二十五年元王三年

闔閭元年 夫差元年 國為越滅

壽夢一名諸樊過一名餘昧夷一名闔閭光一名王僚壽夢第三子餘昧之
子州于也號王僚專諸刺之壽夢有三子長曰諸樊次曰餘祭少曰
餘昧闔閭諸
樊之長子也

成王 誦武王子即位年十三周公居冢宰攝政元年丙戌管叔蔡叔霍
叔皆文王子流言曰公將不利於孺子武庚從而同反周公作大
誥奉王命以討之二年周公居東討武庚管叔誅之放蔡叔於郭鄰
降霍叔為庶人東土以寧六年周公作樂曰勺言能勺先祖之道也

畢氏譜占格

卷一

十一

國立公文書館

National Archives of Japan

又作樂曰武以象武王之武功也。七年初武王作邑於鎬京，謂之宗周。是為西都。將營成周，居於洛邑而未果。至是成王如武王之志，定鼎于郊廓。二月使召公先相宅。三月周公至洛，興工營築，謂之王城。是為東都。南係於洛水，北因于郊山。周公又營成周。成王居洛邑，遷殷頑民於成周，復還歸西都。十二月周公歸政於成王。成王在位三十七年。內七年周公攝政。

食貨

初虞夏商之世，幣金有三品，或黃或白或赤，或錢或布或刀或金，利於刀，流於泉，布於布，束於帛。漢食貨志

三尺二寸為幅，長四丈為匹。故貨寶於金，利於刀，流於泉，布於布，束於帛。

詩

成王時雅頌五十篇

小雅

十篇棠隸崇丘，由庚南山有臺菁菁。者義彤弓，蓼蕭湛露，南有嘉魚，由儀。

大雅

十三篇

明縣下武生，民行葦，文王有聲。頌二十七篇。清廟維清，烈文天作。我既醉，鳧鷖般樂。公劉洞酌，卷阿公。將執競，思文臣工。噫嘻，振鷺豐年。有瞽載見，有客訪落，敬之小毖。載芟，良耜絲衣。閔予小子，昊天有成命，維天之命，潛離武酌。

豳國風

周公居東，思公劉居豳，憂念民事，序已志。豳國變風，作七篇。七月，鴉鵲東山，破斧代柯，九戔狼跋，爾冷。豳州，雍州之域也。

晉

叔虞，成王母弟。王五年，削桐葉為圭，戲曰：吾以此封若。史佚請禪曰：王曰：吾與之戲耳。史佚曰：天子無戲言。周公成之，遂封叔虞於堯之故墟。曰唐侯。都冀。叔虞子燮，改唐曰晉。都平晉縣。今冀州路，古冀州也。冀州，路古冀州也。冀州，路古冀州也。燮至昭侯，封文侯之弟成師於曲沃，號桓叔。至景公，遷新田。絳，謂曲沃為故絳。晉自叔虞至厲侯，福五世年不可考。厲侯子靖侯立而後可紀。始成王五年庚寅，終安王二十六年乙巳，三十八君，合七百四十六年。魏韓趙共廢晉。靖公為家人，三分其地。曲沃桓叔生莊伯，莊伯生武公。繼世為曲沃之君。強盛常有滅晉之志。惠王二年，武公伐晉而滅之。當是時，天子之使適在晉，故大夫為之請命于天子。之使天子之使為之請命于天子，王使號父命曲沃武公以軍為晉侯。桓叔晉穆公。曲沃翼城二縣，隸絳州。聞喜安邑二縣，隸解州。皆屬晉寧路，即平陽路。古晉州也。冀州之域。

周共和元年 共和二年

宣王六年

宣王十七年 宣王四十四年

靖侯宣早八年

僖侯司徒元年

獻侯籍元年

穆侯費生元年

殤叔元年

幽王二年

平王二十六年 平王三十二年

平王四十八年 桓王三年

文侯仇元年

昭侯伯元年

孝侯平元年

鄂侯卻元年

哀侯光元年

桓王十一年 桓王十六年 惠王元年

襄王二年

襄王十五年

小子侯元年

侯緡鞏武公登

獻公說諸元年

惠公夷吾元年

懷公圉元年

襄王十六年襄王二十五年襄王三十二年

定王八年

文惠公薨

襄公驩元年

靈公提元年

成惠公薨

景公繻元年

簡王六年

簡王十四年

靈王十五年

景王十四年

景王二十一年

厲公壽曼元年

悼公周元年

平公彪元年

昭公夷元年

頃公去疾元年

敬王九年

元王三年

貞定王十二年

考王四年

威烈王七年

定公午元年

出公鑿元年

哀公驕元年

幽公柳元年

烈公上元年

安王十年

安王二十五年

安王二十六年

孝公頃元年

靖公俱酒元年

國滅

晉有六卿曰智氏趙氏韓氏魏氏范氏中行氏彊而專權晉侯卑弱不能制貞定王十一年智氏與韓趙魏共滅范氏中行氏分其地貞定王十二年晉侯怒四卿之驕暴告齊魯欲伐之四卿乃反攻公公奔齊死之是曰出公乃立哀公貞定王十三年智氏又約韓魏共伐趙三年不能克趙乃約韓魏反攻智伯滅其族三分智伯之地

宋

武王元年封殷紂之庶子武庚治殷既叛而誅之周公東歸成王封殷帝乙之裔微子以代殷後國號宋用殷之禮樂於周為客而不臣國應天府今沛縣路歸德府自微子至厲公附年不可考厲公子僖公立而後可紀始成王二年丁亥終赧王二十九年乙亥王偃無道齊

魏楚共滅之三十二年
君合八百三十九年

周共和元年

共和十二年

宣和二十八年

宣王二十九年

平王六年

平王二十四年

平王四十二年

桓王元年

戴公元年

武公司空元年

穆公和元年

穆公和元年

殤公與夷元年

桓王十年

莊王六年

莊王十五年

僖王元年

襄王二年

莊公馮元年

閔公捷元年

游弒閔公元年

榘御說游弒

襄公茲父元年

襄王十六年

襄王三十二年

匡王二年

定王十九年

簡王十一年

成公王臣元年

昭公杵臼元年

文公鮑華元年

共公瑕元年

平公成元年

景王十四年

敬王四年

貞定王元年

威烈王二十三年

安王七年

元公佐元年

景公頭曼元年

昭公特元年

悼公購也元年

休公田元年

烈王四年

顯王四十一年

赧王二十九年

辟公辟兵元年

康王偃元年

國滅

詩商頌五篇那祀成湯也烈祖祀中宗也玄鳥祀高宗也長發大禘也殷武祀高宗也嚴粲詩註曰微子為商之後故商之禮樂皆存於宋至七世傳之戴公其間禮樂廢壞亦非戴公之罪自戴公而上微子而下其所由來者漸矣有正考甫者得商頌之十二篇於周之太師宋之禮樂雖為廢壞然正考甫得商頌於周之太師是商之禮樂雖失之於宋而得之於周也周用六代之樂樂章固常存之故得

有商頌也然商頌十二篇今乃有五篇蓋刪詩時又已亡其七矣詩

衛

周公既伐管蔡以殷民半封康叔於衛衞州也衞州西衞州路城七世至頃侯年不可考頃王子僖侯立而後可紀始成王二年丁亥終秦二世元年壬辰四十一主合九百單六年懿公時狄侵衛懿公出奔戴公立野處漕邑齊桓公攘戎狄城楚丘而封之衞文公徙居楚丘是以衞國風木瓜。
美齊桓公也

周共和元年宣王十六年平王十四年平王三十七年桓王元年

僖侯十四年武公和元年莊公楊元年桓公完元年州吁元年

懿公 桓王二年 桓王二十一年莊王九年 惠王九年 惠王十七年

如鶴 宣公晉元年 惠王朔元年 衞惠公十二年 懿公赤元年 戴公申元年

惠王十八年襄王十八年定王八年 定王十九年簡王十年

文公獻元年 成公鄭元年 穆公遫元年 定公賊元年 獻公衍元年

靈王十四年景王二年 景王十一年 敬王二十八年 敬王四十年

殤公秋元年 襄公惡元年 靈公元元年 出公輒元年 莊公崩殯年

敬王四十三年貞定王元年貞定王十七年考王十年 威烈王元年

侯起元年 悼公默元年 敬公弗元年 昭公糾元年 襄公廔元年

威烈王十二年烈王四年 顯王八年 顯王二十二年衞顯王三十四年

慎公頹元年 聲公訓元年 成侯速元年 貶自侯服屬晉 平侯元年

顯王四十五年赦王三十三年秦昭襄王五十五年秦始皇十八年秦二世元年滅

自貶曰君嗣君年 懷君元年 元君元年 君角元年之廢用為庶人

楚

顓頊之後裔世居蠻荆為君長周初有鬻熊事文王成王時封其孫熊繹于楚姓芊氏音為楚子今湖北道江陵路古荆州也禹貢是地熊繹九世至熊延年不可考熊延子熊勇立而後可紀始成王至威烈王二十四年悼王立合七百十五年入戰國赧王十六年秦代楚劫懷王十八年懷王亡歸秦追及之懷王薨于秦赧王五十二年楚考烈王冠元年徙都壽春始豐路秦昭襄王五十四年楚遷於鉅陽楚自悼王元年至始皇二十四年得一百七十九年。

周共和元年共和五年 宣王三年 宣王元年 宣王二十九年

熊勇 熊嚴元年 熊霜元年 熊綢元年 熊鄂元年

宣王三十八年平王八年 平王十四年平王三十四年武王莊王八年

若敖熊儀年 霄敖熊坎年 蚡冒熊駒年 熊通始稱王年 文王熊尊元年

惠王元年 惠王六年 襄王二十七年 頃王六年 定王十七年

堵敖熊觀年 成王熊渾年 穆王商臣元年 莊王佖元年 共王審元年

靈王十三年	景王元年	景王五年	景王七年	敬王五年
康王昭元年	郊敖豪元年	靈王虔元年	平王疾棄卒	昭王珍元年
敬王三十一年	考王十年	威烈王十九年	威烈王二十二年	安王二十二年
惠王章元年	簡王中元年	聲王當元年	悼王元年	入戰國
烈王七年	顯王三十年	顯王四十一年	赧王十七年	赦王五十二年
宣王元年	威王元年	懷王元年	襄王元年	考烈王元年
秦始皇十年	始皇二十年	始皇二十四年		
幽王元年	王負芻元年	國滅		

康王

釗成王子。修文武之業。天下安寧。刑措不用。在位二十六年。

昭王

瑕康王子。王道微闕。楚人不朝。王乃南征。國人以膠船乘王。至中流膠液。王及祭公皆溺死。在位五十一年。

釋迦牟尼佛

按明教大師正宗記曰。天地更始。閻浮洲方有王者興。曰大人。大人者。沒後。王因之繼作。而不已。古今殆不可勝數。後世有王者曰大善生。大善生出懿師摩。懿師摩出憂羅陀。憂羅陀出瞿羅瞿羅。出尼浮羅。尼浮羅出師子頰。師子頰出淨飯王。然此七世皆王。獨懿師摩淨飯號為聖王。如來即出於淨飯聖王者也。始如來以徃世。會然燈佛於蓮華大城。然燈授之記曰。汝後成佛如

我號曰釋迦牟尼。更劫無數。逮迦葉佛世。適以菩薩成道。上生於觀史陀天。應其補處。號護明大士。及其應運。適至大士。乃以迦毗羅國處閻浮提之中。白淨飯王真轉輪族。宜因之以生。即捐天壽。示乘白象。從日中降神於其母摩耶夫人右脇而止。及其將生。摩耶乃往國苑無憂木下。其花方妍。夫人欲取之。舉手聖子乃自其右脇而誕。神龍澍水以澡之。地發金蓮以承之。聖子乃四方各蹈七步。以手上下拈之。曰。四維上下。唯我最尊。王尋持之。與謁天廟。天像起為之致禮。還宮大集賢者。為其名之。號曰薩婆悉達。稍長。命師傅教以世書。未幾立為太子。為娶太子已大潔清。雖示同世娶。而非有凡意。以夙業緣。乃指其妃之腹云。却後六年。汝當生一男。一旦命駕欲遊。雖更出四門。而皆有所遇。終以其老病死。與沙門者感之。而出家之意愈篤。太子時年十九歲。二月八夜。乘馬出自北門。至檀特山小息林間。遂釋衣冠。自以其所佩寶劍。絕其鬚髮。誓曰。願共一切。斷此煩惱。淨居天人。化人以僧伽黎。致太子。因得法服。服之。進入其山嘉處。彌樓寶山居。其阿藍伽藍。習不用處。定三年。復進鬱頭藍處。習非非想。定三年。進象頭山。雜外道輩。為之苦行。日食麻麥。居六年。以無心意。無受行。而外道亦化。聖人乃自思之。曰。今此苦行。非正解脫。吾當受食。而後成佛。即沐浴於尼連河。受牧牛氏女所獻乳糜。尋詣畢鉢木下。天帝

化人擷瑞草以席其坐。以二月七日之夕。漢建武二年。入正三昧。八日明星出時。示廓然大悟。乃成等正覺。陞金剛座。天帝師之。請轉法輪。先是瞻陳如五人侍從於山中。至此首與度之。故入鹿野苑。談四諦法。然因是而得道果者亦億計。遂獨之摩竭提國。化優樓迦葉弟兄三人。時國王瓶沙王有竹林園。施佛為精舍。請如來館之。未幾王舍城舍利弗目犍連皆從受化。如來曰。彼二來者當為我上足弟子。於是度之。初大迦葉入山習禪。至是趣竹林精舍。如來起迎。謂眾曰。吾滅後而法被來世六萬歲者。此人之力也。是時如來成道已六載矣。後迎之還國。以見父王。父王大喜。因詔其族五百貴子從之出家。及其還宮也。其子羅睺羅禮之。持聖人之衣而告眾曰。此正如來也。用是為母釋其群疑。其後以化期將近。乃命摩訶迦葉曰。吾以清淨法眼。涅槃妙心。實相無相微妙正法。今付於汝。汝當護持。并勅阿難副貳傳化。無令斷絕。而說偈曰。法本法無法。無法法亦持。今付無法時。法法何曾法。偈已復謂大迦葉曰。吾將金縷僧伽梨衣。亦付於汝。汝其轉授補處慈氏佛。俟其出世。宜謹守之。大迦葉敬奉佛勅。世尊一旦往拘尸那城娑羅雙木之間。欲般涅槃。會純陀長者懇獻供養。如來因之復大說法。度須跋陀羅右脇而臥。泊然大寂。內之金棺。待大迦葉至。而後三昧火燔。燼已而舍利光燭天。

地。天人神龍分而塔之。正宗又曰。稽夫如來之生也。當此周昭王九年甲寅之四月八日。其出家也。當昭王之二十七年壬申之二月八日。其成道也。當昭王三十三年之戊寅。其滅度也。當穆王三十六年壬申之二月十五日。化已凡一千一十七年。以漢孝明帝永平十年丁卯之歲。而教被華夏。嗚呼。如來示同世壽。凡七十九歲。以正法持世方四十九年。化度有情。其不可勝數。若如來之生與滅。及其出家成道。或當周昭王穆王之年。然自周武王至厲王。皆無年數。及宣王方有之。舊譜乃曰。昭王九年。二十七年。三十三年。穆王之三十六年。或者頗不以為然。吾嘗辯之。故考太史公三代世表。視其序曰。余讀諜記。黃帝以來。皆有年數。稽其曆譜。諜終始。五德之傳。古文咸不同。乖異。夫子之弗論。次其年月。豈虛哉。以此驗三代已前。非實無年數。蓋太史公用孔子為尚書之志。故不書其年。乃作世表。嵩又評曰。其付法於大迦葉者。其於何時。必何以明之。曰。涅槃會之初。如來告諸比丘曰。汝等不應作如是語。我今所有無上正法。悉已付囑摩訶迦葉。是迦葉者。當為汝等作大依止。此其明矣。涅槃經正宗記又評曰。寶林傳燈二書。皆書天竺諸祖入滅之時。以合華夏周秦之歲甲。然周自宣王已前。未始有年。又支竺相遠。數萬餘里。其人化滅。或有更千餘歲。其事渺茫。隔越吾恐。以重譯比校。未易得其實。輒略其年數。

甲子且從而存其帝代耳。唯釋迦文佛菩提達磨。至于中國六世之祖。其入滅年甲。稍可推校。乃備書也。師明教大

○傳法正宗記者。宋杭州佛日禪師契嵩之所作也。師廣西道藤州鍾津李氏子。母鍾氏。七歲出家。事東山沙門。十三得度。十九遊方。下沅

湘涉衡嶽。謁神鼎禪師。誣與語奇之。然無所契悟。遊袁筠間。受記

勃於洞山聰公。徧叅知識。夜則頂戴觀音像。誦其號。必滿十萬。乃寢

世間經書章句不學。而能作原教十餘萬言。明儒釋之道一貫。以抗

宗韓排佛之說。後居杭州靈隱永安蘭若。著禪門定祖圖。傳法正宗

記。輔教編。上仁宗皇帝萬言書。經開封府繳進。嘉祐七年三月十七

日。賜付傳法院。編次入藏。下詔褒寵。賜號明教大師。宰相韓琦大叅

歐陽脩延見而尊禮之。歐曰。不意僧中有此郎。既東還。棲永安神宗

熙寧五年六月四日晨。興寫偈曰。後夜月初明。吾今喜獨行。不學大

梅老。貪隨鼯鼠聲。至中夜而化。閣維不壞者五。曰頂曰耳曰舌曰童

真。曰念數珠。其頂骨出舍利紅白晶絜。是月八日。道俗合諸不壞者

葬於故居永安蘭若之左。壽六十六歲。僧臘五十三。詳見尚書屯田

員外郎陳舜俞撰師行業紀。師字仲靈。號潛子。法嗣洞山聰禪師。聰

嗣文殊真真嗣德山密。釋迦牟尼如來。密嗣雲門偃禪師。會元賢劫第四佛也。

五比丘者。憍陳如。頹鞞跋提。十力迦葉。摩男俱利。頹曰頹鞞跋提

并俱利。此三屬在父之親。陳如十力母之親。初轉法輪先度此。

迦葉弟兄三人者。優樓頻羅迦葉。伽耶迦葉。那提迦葉也。非大迦葉。

兼其徒侶一千人。又度王舍城舍利弗。目犍連。兼其徒侶各一百人。

那舍長者子等五十人。是眾隨佛行住。故經前列眾。稱千二百五十人俱是也。經存大數。故略五人。

世尊拈華迦葉微笑。出大梵王問佛決疑經云。佛在靈鷲山中。大梵天王以金色波羅華。持以獻佛。世尊拈華示眾。八天百萬悉皆罔措。獨有迦葉破顏微笑。世尊曰。吾有正法眼藏。涅槃妙心。分付迦葉。詳見宋神宗熙寧十年。丞相王荆國公說。

結集法藏見一祖迦葉下
四諦法者。苦集滅道也。一苦諦。別則二十五有。總則六道生死。二集諦。即見思惑。又云見修。又云四住。又云染污無知。又云取相惑。又云枝末無明。又云通惑。又云界內惑。名雖不同。但見思耳。三滅諦。滅前苦集。顯偏真理。因滅會真。滅非真諦。四道諦。略則戒定慧。廣則三十七道品。道品者。四念處。四正勤。四如意足。五根。五力。七覺支。八正道。然四諦之中。分世出世。前二諦為世間因果。苦果集因。後二諦為出

世間因果滅果道因且何故世出世前果後因。蓋聲聞根鈍知苦斷集慕果修因是故然也。

穆王

滿昭王子在位五十五年壽終一百五歲徐夷作亂率九夷以伐宗周西至河上穆王畏其偪分命東方諸侯徐子王之徐子羸姓偃地方五百里行仁義得朱弓矢自以為得天瑞乃稱偃王陸地而朝者三十六國王正西巡狩樂而亡返聞徐子偕號乃命造父為御而歸以救偃王之亂命楚伐徐徐子北走彭城今徐州百姓隨之者以萬數穆王乃以趙城封造父其族由此為趙氏。

共王

繫扈穆王子在位十年

懿王

韞共王子徙都槐里史記載王有詩槐里今陝西安西路興平今無之蓋逸詩也在位二十五年縣雍城老子冉所葬之地

詩

齊太公五世哀公荒淫懿王使烹焉齊之變風始作五篇鷄鳴還著東方之日東方未明

孝王

辟方懿王弟時有詩今無之蓋逸詩也王在位十五年

西天一祖摩訶迦葉尊者

摩竭陀國人也姓婆羅門其父號飲澤母號香志生而其體金色初名迦葉波此曰

飲光蓋取其體之金色光明照耀飲諸光明也懇求父母出家為沙門入山以杜多行自修會空中有告者曰佛已出世請往師之尊者趨於竹林精舍特申恭敬如來乃分座命之坐時大眾皆驚謂其何以與此如來為眾廣說其夙緣以斷羣疑尋為之說法而尊者即座成道然其積脩道德而智慧高遠故如來嘗曰我今所有大慈大悲四禪三昧無量功德以自莊嚴而迦葉比丘亦復如是一朝乃以正法付之囑其相傳無令斷絕復授金縷袈裟命之轉付彌勒及如來大般涅槃而尊者方在耆闍崛山是時地震光明照耀即以天眼知之乃謂眾曰佛涅槃矣嗟乎正法眼滅世間空虛與其徒即趨拘尸那城既至雙木之間而如來既化內於金棺尊者大慟遂感如來足出於棺以慰其哀慕尋致梅檀白氈以資其閣維既經七日迦葉告五百阿羅漢令詣十方集諸羅漢王舍城雙樹間至中夏安居於十五日結集三藏闍王日給千人飯食滿足一夏爾時迦葉告諸比丘佛已荼毗金剛舍利宜與人天為其福田吾等比丘當務結集以惠來世為其大明即以神通自昇須彌之頂而說偈曰如來弟子且莫涅槃得神通者當赴結集遂擊金鐘其偈因鐘聲而普聞故應真羅漢皆會於畢鉢羅巖唯阿難以漏未盡不得即預宿戶外終夕思之及曉乃得正證遂扣戶以告迦葉迦葉曰若然汝可以神通自戶鑰

中入阿難如其言而至。是時會議三藏者宜何為先。迦葉曰宜先修多羅。因謂諸聖曰。此阿難比丘。多聞總持。有大智慧。常隨如來。梵行清淨。所聞佛法如水傳器。無有遺餘。佛所讚嘆。聰敏第一。宜可請彼集修多羅藏。大眾默然。迦葉告阿難曰。汝今宜宣法眼。阿難聞語。信受。觀察衆心。而宣偈言。比丘諸眷屬。離佛不莊嚴。猶如虛空中。衆星之無月。說是偈已。禮衆僧足。陞法座。而宣是言。如是我聞。一時佛在某處說某經。乃至人天等作禮奉行。時迦葉問諸比丘。阿難所言不錯謬乎。皆曰不異。世尊所說。次命優婆塞。離以集毗尼藏。復命阿難集阿毗曇。達磨藏。他部命迦旃延。已而迦葉尊者。即入智願三昧。觀其所集果無謬者。然尊者處世方四十五年。終以結集既畢。而說法度人亦無量矣。念自衰老。宜入定於雞足山。以待彌勒。故命阿難曰。昔如來將般涅槃。預以正法眼付囑於我。我將隱矣。此復付汝。汝善傳持。無使斷絕。乃說偈曰。法法本來法。無法無非法。何於一法中。有法有不法。阿難作禮奉命。尊者入定於山。當此周孝王之世也。正宗

夷王 燮孝王子。觀禮不明。王下堂而見諸侯。荒服不朝。命號公帥六師。伐太原之戎。至於俞泉。獲馬千疋。王在位十六年。壽六十歲。

詩 衛康叔七世至頃侯政衰。衛風始變。詩一篇即柏走。

二祖阿難尊者

王舍城人也。姓刹帝利。白飯王之子。釋迦如來之從弟也。始名阿難陀。此云慶喜。亦名歡喜。如來成道之

夕生。王之大家大慶且喜。以故名之。投佛出家。多聞博達。智慧無礙。世尊以為總持第一。有大功德。受持法藏。如水傳器。乃命之以為侍者。至是垂入涅槃。至苑伽河。又念先時所度弟子。宜當來集。須臾五百羅漢自空而下。中有二羅漢。一曰商那和脩。一曰末田地。迦尊者知其皆大法器。而命之曰。昔如來以正法眼藏付大迦葉。迦葉入定而付於我。我今將滅。用傳汝等。汝受吾教。當聽偈言。本來付有法。付了言無法。各各須自悟。悟了無無法。復謂商那和脩曰。汝善行化。護持正法。無令斷絕。謂末底迦曰。昔佛記云。滅度五百歲中。當汝子闍賓國敷宣大法。後宜往之以興教化。已而尊者踊身虛空。現十八變。入風奮迅三昧。而滅。分舍利。一分奉忉利天。一分奉娑竭羅龍宮。一分奉毗舍離王。一分奉阿闍世王。各起寶塔而供養之。當此周夷王之世也。正宗

十八變

出文句。右脇出水。左脇出水。左脇出水。右脇出水。補註章。身上出水。身下出水。身上出水。身下出水。

履地如水。履水如地。空沒現地。地沒現空。虛空中住。虛空中坐。虛空中臥。空現大身。大復現小。

厲王

胡夷王子。暴虐萬民弗忍。後三年叛。王出奔于彘。周公召公二相以太子靜尚幼。乃相與和協共理國事。稱曰共和。王崩于彘。在位

四十年

詩王之變

大雅

五篇民勞板蕩抑桑柔

陳風始變

幽公二篇宛丘東門之枌

檜風始變

四篇羔裘

素冠隰有萋楚匪風

共和

周公召公共理國事。至十四年王崩于彘。太子靜既長於召公之家。二相共立之。是為宣王。

釋迦文佛舍利寶塔

東天竺國阿育王。碎七寶末造八萬四千寶塔。盡收西域及龍宮所藏世尊舍利。一一塔之命

耶舍尊者舒指放光八萬四千道。令捷疾鬼各隨一光盡處安置。塔通娑婆界。震旦國者一十九所。至西晉武帝太康三年。有劉薩訶者病死入冥。見梵僧指往會稽育王塔處。懺悔得甦。出家名慧達。至會稽。遍求不見。偶一夜聞地下鐘聲。即誠懇經三日。忽從地涌。寶塔高一尺四寸。廣七寸。佛像悉具。達既見塔。精勤禮懺。廣瞻瑞像。今明州阿育王山廣利禪寺佛舍利塔是也。育王造塔之時。當此周厲王

共和之世也。阿塔傳

宣王

靜厲王子。周公召公輔王脩政。法文武成康之遺風。王命召公伐平淮夷。申伯仲山甫順天下。更失理。喻德教。舉遺士。海內翕然向

風。諸侯復宗周。周道中興。尹吉甫作詩美之。王在位四十六年。

詩宣王詩

小雅

十四篇六月采芑車攻吉日鴻鴈庭燎汧水

大雅六

雲漢崧高烝民

衛國風

武公一篇

陳風

釐公三篇衡門東門之池東門之揚

鄭

宣王二十二年封弟友於鄭。今汴梁鄆州。檉城。鄭二十二年主四百三十二年韓滅之。

周宣王二十二年平王元年

桓公友元年

武公掘突元年

莊公突元年

昭公忽元年

莊王三年

惠王五年

襄王二十五年

定王二年

定王三年

子亶元年

文公捷元年

穆公蘭元年

靈公夷元年

襄公堅元年

敬王二十年貞定王七年貞定王十五年威烈王三年

獻公蠶元年 聲公勝元年 哀公易元年 共公丑元年 幽公巳元年

威烈王四年安王七年 烈王元年鄭康王 緇公駟元年 康王乙元年二十年也為韓滅

秦 嬴姓。其先出高陽氏。顓帝裔孫女脩子大業生柏翳曰大費。佐禹平

水土。其後造父御穆王得幸。封於趙。雍州之域。本西秦州地。大費十

九世生非子。為孝王主馬蕃息。賜邑之號。嬴秦為附庸。至秦仲宣王

授命作大夫。始有車馬禮樂之好。秦仲之孫襄公值幽王為西戎所

敗。平王東遷。將兵救周。有功。平王元年。賜之地。始命為諸侯。聘享平

王。六年。秦文公都隴州。隸蠻始。孝王賜邑之。赧王九年。昭襄元年也

三十君合五百六十三 年昭襄王併周赧王崩 秦風始變詩一篇 車鄰美 秦仲也

周共和元年宣王七年 幽王五年 平王六年 桓王五年 秦仲四年 莊公元年 襄公元年 文公元年 釐 寧公元年

桓王十七年桓王二十三年惠王二年 惠王十四年惠王十八年 出子元年 武公元年 宣公元年 成公元年 穆公往邲元年

襄王三十二年匡王五年 定王四年 簡王十年 景公九年 康公瑩元年 共公和元年 桓公元年 景公后元年 哀公元年

敬王二十年敬王三十年元王元年 貞定王二十七年考王十三年 惠公元年 悼公元年 厲共公元年 躁公元年 懷公元年

威烈王二年威烈王十二年安王二年 安王十六年安王十八年 靈公元年 簡公悼子元年 惠公元年 出公元年 獻公元年

聖五年獻公普顯王八年 顯王三十二年赧王五年 赧王九年 聖賜公鞅之朋 孝公元年 惠文王元年 武王元年 昭襄王元年

阡。顯王十九年。秦商鞅築冀闕官庭於咸陽。徙都之。併諸小鄉。聚集為

阡。一縣。縣置令丞。凡三十一縣。廢井田。開阡陌。平斗桶。方斛。權衡。丈尺。

戰。顯王三十年。秦入戰國。顯王四十五年。秦惠文王改其國之十四年

國。為元年。赧王五十九年。秦昭襄王五十一年也。併周遷九鼎。滅西周

三祖商那和修尊者

摩突羅國人也。亦名金那婆斯。姓毗舍多。父林。自然服。即西域九枝秀草名也。若聖降生。則此草生於淨潔之地。和。修生時。瑞草斯應。持法行化。尋於吒利國。得優波瓠。多以為給侍。祖。問之曰。汝年幾耶。瓠多曰。我年十七。祖曰。汝身十七。性十七。耶。多曰。師髮已白。為髮白耶。心白耶。祖曰。我但髮白。非心白也。多曰。我身十。七。非性十七。後三載。遂為剃落。授具。至是。付以正法。偈曰。非法亦非。心。無心亦無法。說是心法時。是法非心法。付法已隱于罽賓國南象。

白山中。後於三昧中見弟子翹多有五百徒眾常多懈慢。乃往彼現龍奮迅三昧以調伏之。而說偈曰。通達非彼此。至聖無長短。汝除輕慢意。疾得阿羅漢。五百比丘依教奉行。尊者乃現十八變。火光三昧用焚其身。翹多收舍利葬於梵迦羅山。當此宣王之世也。証宗

幽王

官涅。宣王子。嬖於褒姒。信號石父之譖。廢申后。放太子宜臼于申。以褒姒為后。生子余王。寵信褒姒。西戎之兵殺王驪山下。虜褒姒。

王在位十一年。號公立王子余。國人不順。立未經年。晉文侯殺余。是曰攜王。諸侯即申國立故太子宜臼。是曰平王。肥社前。

攜王

詩幽王小雅 四十三篇。節南山。正月十月之交。雨無正。小旻。小宛。小

明。鼓鐘。楚茨。信南山。甫田。大田。瞻彼洛矣。裳裳者華。桑扈。鴛鴦。頗弁。車牽。青蠅。賔之初筵。魚藻。采芣。角弓。苑柳。都人士。采芣。黍苗。隰桑。白

華。綿蠻。瓠葉。漸漸之石。苕之華。何草不黃。**大雅** 二篇。瞻

東平王

宜臼。幽王子。在位五十一年。幽王既被害。鄆部逼近。戎狄不可居。乃東遷都于洛邑。王室微弱。號令不行。政由方伯。齊楚秦晉漸大。

詩平王桓王莊王詩 通十篇。**貶為王國風** 平王。猷。黍離。君子于役。君子揚揚。揚之

車莊王一篇。**衛風** 四篇。淇。與。綠。丘中有麻。鄭風始變 一篇。唐風 等也。七篇。中有

綢繆。杖杜。秦風 四篇。駟。鐵。羨。襄公也。始受命為諸侯。有佃狩園囿焉。小戎。蒹葭。終南。陳風 僖公一

羔裘。鷓鴣羽。四祖優波。翹多尊者。吒利國人也。姓首陀。父善意。年十七出家。二十

持纓絡。糜于祖頸。祖出定知魔所為。乃以人狗蛇三尸化為華鬘。酬

奉波旬尸。蛆臭穢。波旬厭惡。盡已神力不能去。乃趨梵王求去尸穢。

梵王曰。此十力弟子所作。我不可釋。汝須歸心尊者。為說偈曰。若因地倒還因地起。離地求起終無是理。波旬乃哀露懺悔。尊者謂曰。汝

可口自唱言。皈依三寶。魔王合掌三唱。皈依佛。皈依法。皈依僧。華鬘

悉除。波旬大喜。作禮說偈曰。稽首三昧尊。十力聖弟子。我今願迴向

勿令有劣弱。作禮而去。尊者每度一弟子。以一籌置於石室。其室縱

十八肘。廣十二肘。充滿其間。以法付提多迦。偈曰。心自本來心。本心非有法。有法有本心。非心非法。付法已。踊身虛空。作十八變。却復

本座。踟躕而逝。提多迦以室內籌用焚師軀。收舍利建塔供養。當此

周平王之世也。証宗今住。○十力 是處力 知業力 三昧力 知根力 知勞持以方丈曰籌室者取此。知性力 至道力 宿命力 天眼力 無邊

春秋 魯史也。孔子作春秋始魯隱公元年。平王四十九年也。孔子以平王為東周之始王。隱公讓國之賢君。始起此者。蓋寓褒貶賞

罰以正一王之法。劉惔

桓王

林平王孫。太子泄早世乃立。在位二十三年。初平王東遷。晉鄭夾輔諸侯。賓從。王奪鄭伯政。鄭不朝。王乃伐鄭。師敗。王傷。自是天子威令弱矣。

詩 王國風三篇

衛風

州吁宣公惠。竹竿伯兮有。燕燕日月終風。見平王下。公二十六篇。狐芄蘭河廣。擊鼓凱風雄雉。

匏有苦葉。谷風式微。旄丘簡兮。泉。君子偕老。牆有茨。魏風。七篇。葛水北門。北風靜女。新臺。二子乘舟。庸。桑中鶉之奔奔。屢汾沮

如園有桃。陟岵。附衛。

莊王

佗桓王子。在位十五年。

詩 王國風一篇

齊風

襄公六篇。南山甫田。鄭風。六篇。將仲子。叔于田。見平王下。盧今。敝笱。載馳。猗嗟。

路女曰。鷄鳴又。二篇。褰裳。溱洧。

五祖提多迦尊者

摩伽陀國人也。未詳其姓。初名香眾。梵語提多迦之曰。汝身出家。心出家耶。香眾曰。我來出家。非為身心。翹多曰。不為身心。復誰出家。曰。夫出家者。無我我故。無我我故。即心不生滅。心不生滅。則是常道。諸佛亦常心。無形相。其體亦然。翹多曰。汝當大悟。心自通達。宜依佛法。僧紹隆聖種。即為剃落。受具足戒。名之曰提多迦。授以大法。提多迦得法。已行化。至中印度。其國有大仙者。八千人。其首曰彌遮迦。師眾請尊者而禮之。遂求出家。其徒仙眾從之。而俱求出家。尊者受之。鬚髮自除。袈裟着體。尊者命遮迦曰。昔如來以大法眼密付大迦葉。展轉而至於我。我今付汝。汝當傳持。勿絕聽吾。偈曰。通達本心法。無法無非法。悟了同未悟。無心亦無法。偈已。尊者起身。太虛作十八變。用火炁三昧。而自焚之。彌遮迦與眾收其舍利。建塔於班荼山。供養之。當此周莊王之世也。正宗。

釐王

胡齊。莊王子。在位五年。齊桓公始霸。會諸侯為盟。主用管仲為政。號曰仲父。四民不使雜處。制國為二十一鄉。作內政而寄軍令。謹

正鹽
策

詩 唐風晉也武公二
篇無衣有杖之杜 鄭風 十一篇有女同車山有扶蘇籜兮狡童丰
東門之墀風雨出其東門于衿揚之水野
有蔓
草

惠王

閔釐王子在位二十五年。初莊王愛少子子頹欲立為太子不克
惠王二年秋邊伯五大夫怨惠王召燕衛伐周王出奔温居于鄭
燕衛及諸大夫立頹為王四年鄭伯虢公帥師伐王城殺子頹及五
大夫奉惠王歸周二十四年惠王崩襄王不敢發喪畏叔帶也告難
於齊二十五年諸侯謀
王室既定而後發喪

詩 唐風二篇 鄭風 一篇

葛生采芩 清人

曹風 一篇

蜉蝣

衛風 二篇定之

方中載馳

魯頌 魯僖公在位

三十三年至

是季孫行父請命于周而史克作頌四篇稱
僖公也駟有馱泮水閼宮史克魯之史官也

襄王

鄭惠王子在位三十三年。初惠王少子叔帶有寵惠后欲立之而
不克至是叔帶欲與戎狄伐周王知之將誅叔帶叔帶奔齊王元
年齊桓公會諸侯于葵丘今汴梁路離州古匡城論語八年王以我
于長於匡者是也豫州之域難告齊齊桓公使諸侯戍周襄王九年齊桓公卒王十七年狄人奉
叔帶伐周襄王奔鄭狄人立叔帶為王是時晉文公避驪姬之難始
返國襄王告急于晉晉文公帥諸侯伐周而殺叔帶奉襄王歸周王
賜文公
為侯伯

詩 衛風 文公三篇 蝶螈相鼠于旌

又一篇木瓜美齊桓公也

陳風 宣公二篇防

有鵲巢月出

秦風 穆公一篇

黃鳥康公

四篇晨風無
衣渭陽權輿

六祖彌遮迦尊者

中印度人也未詳姓氏。一日至北天竺國市中一
人持酒器逆祖曰尊者何方而來欲往何所祖曰
從自心來欲往無處。曰識我手中物否。祖曰此是觸器而負淨者。曰
尊者其識我否。祖曰我即不識。識即不我祖復謂之曰汝可自道姓
氏其人遂說偈曰。我今生此國復憶昔時日。本姓頗羅墮。名字婆須
密。祖攝受為其剃度以圓戒德。尋命之曰我方老邁將般涅槃。如來
正法眼藏今以付汝。汝當傳之無使斷絕。聽吾偈曰。無心無可得說
得不名法。若了心非心。始解心心法。偈已尊者即入獅子奮迅三昧

騰身太虛高七多羅木却復本座化火自焚婆須密收靈骨舍利以七寶函貯之建塔寘其上層供養當此周襄王之世也正宗記

一頃王 壬臣襄王子在位六年

詩曹風 共公三篇候人鳴鳩下泉 陳風 靈公二篇株林澤陂

匡王 班頃王子在位二十一年

定王 瑜匡王子在位二十一年

○老子 姓李氏名聃字伯陽聃謚也定王三年丁巳九月十四日生楚國陳郡苦縣賴鄉曲仁里聃之生也釋迦文佛入滅已三百四十六年矣簡王四年己卯伯陽年二十三仕周為守藏吏十三年遷柱下史自是五十四年不遷時人目為吏隱敬王元年壬午老子年八十六歲去周與散關今陝西與令尹喜西元路鳳州遊流沙而死於扶風郡葬槐里今陝西平陸也

七祖婆須密尊者 北天竺國人也姓頗羅墮遇彌遮迦出家受法行化至迦摩羅國忽有智者來前稱名佛陀難提今

與尊者論義須密曰仁者北天竺外義義即不論若擬論義終非義論難提以其義勝遂求度須密特命四果聖人為其授戒未幾乃命之曰如來正法眼藏今以付汝汝其傳之慎無斷絕聽吾偈曰心同虛空界示等虛空法證得虛空時無是非非法已而須密起身作十八變乃入慈心三昧時梵天帝釋及諸天眾俱來作禮而說偈言賢劫眾聖祖而當第七位尊者哀念我請為宣佛地須密從三昧起示眾曰我所得法而非有故若識佛地離有無故語已還入三昧示涅槃相難提即於本座起七寶塔秘其全體當此周定王之世也正宗記

全 葬。列祖葬全身者始此

簡王 夷定王弟在位十四年

靈王 泄心簡王子在位二十七年

○孔子 靈王二十一年庚戌十一月庚子生魯國陬邑平鄉母顏氏禱於尼丘而生故名丘字仲尼孔子之生也釋迦文佛入滅四百 年敬王四十一年壬戌孔子卒年七十三歲葬魯曲阜今濟寧路兗州禹貢九州之也尼丘山隸兗州泗水縣

景王

貴靈王子。在位二十五年。王十八年太子聖卒。王少子朝王欲立之未果。王崩。周相單旗劉狄立王次子猛為王。子朝因舊官百工之喪職秩者以逐劉子。劉子奔揚。單子奉子猛于莊宮。子朝之徒夜使人取猛以歸。單子出奔。子朝之徒奉王猛以追單子。晉人帥師納王。猛母弟丐為王。是曰敬王。子朝又見敬王下。

八祖佛陀難提尊者

迦摩羅國人也。姓瞿曇氏。頂有肉髻。辯捷無礙。初遇婆須蜜出家。得道行化。至提伽國度弟子。伏馱蜜多。付法偈曰。虛空無內外。心法亦如此。若了虛空故。是達真如理。爾時尊者即現神變。却復本座。儼然寂滅。眾與寶塔葬其全身。當此周景王之世也。証宗

敬王

丐景王子。在位四十三年。王元年周大夫尹氏立子朝為王。入王城。王如劉。王四年冬克鞏。逐王子朝。王入于成周。自是謂王城為西。西周成周為東。周王十六年子朝之徒作亂。王出奔。于晉。十七年晉侯帥師納王。王入于王城。春秋中

九祖伏馱蜜多尊者

提伽國人也。姓毗舍羅。八祖行化至毗舍羅家。其父長者致禮問何所須。祖曰我求侍者。長者曰我有一子名伏馱蜜多。年已五十。口未曾言。足不曾履。祖曰如汝所說。真吾弟子。伏馱聞之。遽起禮拜。而說偈言。父母非我親。誰是最親者。諸佛非吾道。誰是最道者。祖答曰。汝言與心親。父母非我比。汝行與道合。諸佛心即是。外求有相佛。與汝不相似。欲識汝本心。非合亦非離。伏馱聞偈已。便行七步。祖曰此子悲願廣大。慮父母愛情難捨。故不言不履耳。長者遂捨令出家。祖授以具戒。付以法眼。既得法已。行化至中印度。授弟子脇尊者正法眼藏。偈曰。真理本無名。因名顯真理。受得真實法。非真亦非偽。付法已。即入滅盡三昧。而般涅槃。眾以香油旃檀闍維。收舍利建塔于那蘭陀寺。當此周敬王之世也。証宗

元王

仁敬王子。在位八年。

貞定王

介元王子。在位二十八年。崩。子去疾立。薨。立三月。弟叔襲殺之。哀王而自立。躒瑪立五月。少弟鬼攻殺思王而自立。考王也。佛滅。辛卯十九年。世尊入滅五百歲。天竺國無着菩薩其弟天親菩薩。初論。尚小乘造論五百部。後契悟大乘復造大乘論五百部。號千部論師。中印度人也。本姓難生。處胎六十年。父長者香蓋捨其出家。執侍九祖未曾睡眠。謂其脇不至席。號脇尊者焉。

十祖脇尊者

釋氏譜古略

卷一

三一

持化至華氏國憇一樹下告衆曰此地變金色當有聖人入會言訖地變金色有長者子富那夜奢合掌立前而說偈曰師坐金色地常說真實義回光而照我今入三摩地祖乃度之既具戒以如來大法眼藏付之偈曰真體自然真因真說有理領得真真法無行亦無止付法已即現神變而入涅槃化火自焚四衆各以衣被盛舍利隨處興塔而供養當此周貞定王之世也正宗

考王

鬼貞定王子也在位十五年崩考王封其弟於河南是為桓公以續周公之官職桓公卒子威公代立威公卒子惠公代立乃封其少子於鞏餘廣曰惠以奉王號東周惠公至赧王時東周西周分治王赧徙都西周西周武公餘廣曰子德之共諛

威烈王

午考王子在位二十四年王二十三年九鼎震命晉大夫魏斯趙籍韓虔為諸侯諛魏畢公高之後與周同姓畢萬事晉獻公滅魏以封萬為魏大夫至桓子與趙韓共滅智伯三分其地至文侯斯以卜子夏田子方為師都安邑馮河解州顯王二十九年秦破魏師虜魏公子印魏惠王怒使使獻河西之地於秦以和去安邑徙都大梁今汴

周威烈王二十三年安王十六年烈王六年顯王三十五年慎靚王三年

文侯斯王二年武王擊元年惠王營元年惠王改稱後元年襄王元年

赧王二十年赧王三十九年秦始皇五年始皇二十年始皇二十一年

秦昭襄王五十二年魏舉國聽秦令始皇二十一年秦滅魏八君合一百七十九年

趙與秦共祖蜚廉子惡來弟季勝五世孫造父事穆王至幽王時周大夫趙奄父之子叔帶去周如晉事文公始建趙氏于晉又五世

趙夙又七世簡子鞅生襄子無卹與魏韓滅智伯襄子卒孫浣立浣生籍受王命為諸侯道真定趙州趙王八年趙武靈王變

胡服騎射備四境之難赧王十六年趙王自稱主父赧王十七年趙惠文王元年封其弟勝為平原君赧王三十二年趙王得楚和氏璧

和趙十一君一百八十二年秦始皇二十五年秦滅之趙代王嘉悼襄王長子幽穆王兄也秦既虜其趙君嘉乃自立於代蔚州也隸今上

秦所滅之冀州尋為

周威烈王二十三年安王三年安王十六年烈王二年顯王二十年

烈侯籍元年武侯元年敬侯元年成侯種元年肅侯元年

顯王四十四年赧王十七年赧王五十年秦始皇帝元年始皇十二年

武靈王元年惠文王向元年孝成王丹元年悼襄王元年幽穆王遷元年

始皇二十年 始皇二十五年
代王嘉元年 秦滅之

韓 與周同姓。曲沃莊伯之弟曰韓萬。其孫簡為定伯。生子與事晉。封曰韓武子。三世韓獻子厥始姓韓。為晉卿。自厥六世至康子。與趙魏滅智伯。自康子二世至虔。始受王命為諸侯。國穎昌府。周烈王元年韓滅鄭。徙都之。路。鄭。梁。周顯王四十六年。韓稱王。赧王元年。韓以太子質秦。秦始皇十四年。韓王納地于秦。請為藩臣。韓公子曰韓非者。聘秦。至始皇十七年。秦滅韓。十一君。合一百七十四年。

周威烈王二十三年 安王三年 安王十六年 安王二十六年 烈王六年

景侯虔元年 烈王取元年 文侯元年 哀侯元年 懿侯元年

顯王十一年 顯王三十七年 顯王四十六年 赧王四年 赧王二十年

昭侯元年 惠侯元年 韓稱王 襄王九年 僖王元年

赧王四十三年 秦始皇帝九年 始皇十七年

桓惠王元年 王安元年 國亡

安王

驕威烈王子在位二十六年

十一祖富那夜奢尊者

華氏國人也。姓瞿曇氏。父寶身。既得法於勝尊者。至波羅奈國。有馬鳴大士。皈依求度。祖

為衆曰。此大士者。昔為毗舍利國王。其國有一類人。如馬裸露。王運神通。分身為蠶。彼乃得衣。後復生中印度。馬人感戀悲鳴。因號馬鳴。是時大士以偈慰彼衆曰。我見汝無衣。心生保善護。示化於窠圍。當得諸濟度。既而祖謂大士曰。如來記云。吾滅度後六百年。當有賢者。馬鳴於波羅奈國。摧伏異道。度人無量。繼吾傳化。今正是時。即告之曰。如來大法眼藏。今付於汝。聽吾偈曰。迷悟如隱顯。明暗不相離。今付隱顯法。非一亦非二。付法已。即現神變。湛然圓寂。衆興寶塔。以闔全身。當此周安王之世也。正宗記

烈王

喜安王子在位七年

顯王

扁烈王子在位四十八年。王七年。河山以東強國六。淮泗之間小國十餘。楚魏與秦接界。魏築長城。自鄭濱洛以北。有上郡。楚有漢

魏築長城 中。南有巴黔。音 中。皆以夷翟遇秦。擯斥之。不得與中國之會盟。鄒人孟軻見魏惠王。問曰。王曰。叟不遠千里而來。亦有利吾國乎。孟

子曰。君何必曰利。仁義而已矣。初。孟子師孔子之孫子思。嘗問牧民之道何先。子思曰。先利之。孟子曰。君子所以教民。亦仁義而已矣。何必利。子思曰。仁義固所以利之也。上不仁。則下不得其所。上不義。則下樂為詐也。此為不利大矣。故易曰。利者義之和也。又曰。利用安身

以崇德也。此皆利之大也。孔叢宋丞相司馬溫國公光曰。子思孟子之言一也。夫惟仁者為知仁義之利。不仁者不知也。故孟子之對梁王。直以仁義而不及利者。所與言之人異故也。顯王三十二年。孟軻為魏卿。四十三年為齊上卿。齊州曲阜王四十四年夏四月。秦初稱王。四十六年韓燕皆稱王。趙武靈王獨曰。無其實敢處其名乎。令國人謂已曰君。四十八年齊封田嬰於薛。號曰靖郭君。君有子四十餘人。其賤妾之子曰文。文侗儻饒智略。賓客請靖郭君以文為嗣。靖郭君卒。文嗣為薛公。孟嘗君也。

十二祖馬鳴大士 波羅奈國人也。亦名功勝。蓋以其夙有功德。又不作無作諸功德。最為殊勝。故名焉。既受法已。闡揚於華氏國。有魔名迦毗摩羅。眷屬三千。向祖作諸神變。祖曰。汝盡神力。化性海得乎。魔曰。何謂性海。祖曰。性海者。山海大地皆依建立。三昧六通由茲發現。迦毗摩羅聞言。愈加問難。知祖理勝。遂發信心。與徒三千俱求剃度。祖乃召五百應真。與授具戒。大士因之。乃大造論議。尋告之曰。如來大法眼藏。今當付汝。汝聽偈言。隱顯即本法。明暗元不二。今付悟了法。非取亦非離。付囑已。即入龍奮迅三昧。挺身空中。如日輪相。然後復本座示寂。四眾以真體闕之。龍龕當此。周顯王之世也。祖宗

慎靚王 定顯王。子在位七年。
赧王 延慎靚王子。在位五十九年。周東西分理。為諸侯所侵。赧王五十九年。秦昭襄王五十一年也。秦將軍樛嫪由伐韓。伐趙。赧王恐。乃倍秦與諸侯約。從將天下銳師出伊闕攻秦。令無得通陽城。秦使將軍樛攻西周。赧王入秦頓首。盡獻其邑三十六。秦受其獻。歸赧王于周。是歲赧王崩。肥上之。春秋後

右周三十六王合八百六十七年天下歸秦
十三祖迦毗摩羅大士 華氏國人也。未詳其姓。初為外道。有大幻術。化至西印度。彼國太子名雲自在。請宮中供養。祖不允。太子曰。城北大山有一石窟。可住禪寂。祖諾。行數里。逢一大蟒。祖與授三皈依。蟒脫去。至石窟。又北十里。有大樹。蔭覆五百大龍。其樹王名龍樹。常為龍眾說法。迎祖曰。深山孤寂。龍蟒所居。大德至尊。何枉神足。祖曰。吾非至尊。來訪賢者。龍樹默念曰。此師得決定性。明道眼否。是大聖繼真乘否。祖曰。汝雖心語。我已意知。樹聞。悔謝求度。祖即度之。未幾。乃

釋氏系古略 卷一 三十五

命之曰。今以如來大法眼藏付囑於汝。聽吾偈曰。非隱非顯法。說是真實際。悟此隱顯法。非愚亦非智。付法已。即顯神變化。火焚身。龍樹收五色舍利建塔焉。當三皈依者皈依佛。此周赧王之世也。証宗。皈依法。皈依僧。

秦

嬴姓。水德王。都咸陽也。安。京。炳。秦。顯。項。苗。裔。孫。曰。女。嬴。織。玄。鳥。隕。卵。玄。嬴。吞。之。城。建。國。元。起。見。周。宣。王。下。之。生。大。業。大。業。生。大。費。與。禹。平。水。土。舜。賜。姓。嬴。氏。

昭襄王 孝文王 莊襄王
始皇帝 二世 子嬰

昭襄王

則又曰。瑕。秦武王之母弟。惠文王之子也。立五十一年。并周。遷九鼎。在位五十六年。

孝文王

戊昭襄王子。立三月薨。

莊襄王

楚孝文王子。在位四年。元年東周君與諸侯謀伐秦。秦使相國呂不韋帥師討之。東周滅。封相國為文侯。

始皇帝

政。莊襄王子。嗣位年十三。國事皆委之信侯。稱仲父。始皇二年。天下冠帶之國七。而三國邊於戎狄。秦自隴以西。有縣諸緄戎。翟。獯。之。戎。岐。梁。經。漆。之。北。有。義。渠。大。蔡。烏。氏。胸。于。行。之。戎。而。趙。北。有。林。胡。樓。煩。之。戎。燕。北。有。東。胡。山。戎。各。分。散。居。谿。谷。秦。滅。義。渠。始。於。

長城

隴西北地上。郡築長城。以拒胡。趙武靈王北破林胡樓煩。築長城。自代。並陰山下。至高闕。為塞。置雲中。鴈門。代郡。燕。破東胡。却千餘里。築

長城。自造陽。至襄平。置上谷。漁陽。右北平。遼東。郡以拒胡。及戰國之末。有匈奴始大。始皇二十六年。初并天下。自以為德兼三皇。功過五

始稱皇帝

帝。乃更號曰皇帝。除謚法。以謂下議上也。命為制。令為詔。自稱曰朕。又曰朕為始皇帝。後世以計數。二世三世。至于萬世。承運以水德。初

王水德

齊威宣王時。鄒衍論著終始五德之運。齊人奏之。始皇采用其說。始改年朝賀。皆以十月朔。衣服旌旄節旗。皆尚黑。數以六為紀。改臘為

月朔

嘉平。分天下為三十六郡。曰三川。河東。南陽。南郡。九江。鄣郡。會稽。潁

朝賀

川。碭郡。泗水。薛郡。東郡。瑯琊。齊郡。上谷。漁陽。右北平。遼西。遼東。代郡。鉅鹿。邯鄲。上黨。太原。雲中。九原。鴈門。上郡。隴西北地。漢中。巴郡。蜀郡。黔中。長沙。凡三十五。與內史為三十六郡。郡置守。尉。監。收天下兵。聚

咸陽。銷以為鐘。鑿金人十二。帝三十四年。丞相李斯上書。謂史官非秦記。皆燒之。有偶語詩書。棄市。以古非今者。族。所不去者。醫藥。卜筮。種樹之書。若欲有學法。令入吏為師。制曰。可。侯生。盧生。相與亡去。始

皇怒。使人廉問諸生。相告引犯禁者。四百六十餘人。皆坑之。咸陽。三

十六年。冬十月。始皇出遊。左丞相斯從。少子胡亥請從。西至平原津。而病。七月丙寅。始皇崩於沙丘平臺。在位三十七年。壽五十歲。中車

府令行符璽事。趙高乃與丞相斯詐謀受詔立胡亥為太子。歸至咸陽始乃發喪襲位。九月葬始皇驪山下。

十四祖龍樹大士

西天竺國人也。亦名龍勝。得法後至南印度。彼國之人多信福業。祖為說法。彼相謂曰。人有福業世

間第一。徒言佛性誰能觀之。祖曰。汝欲見佛性。先須除我慢。彼曰。佛性大小。祖曰。非大非小。非廣非狹。無福無報。不死不生。彼聞理勝。悉回初心。彼眾中有長者子。名迦那提婆。并彼眾等咸願出家。祖為剃落。命諸聖與授具戒。其國先有外道五千餘眾。作大幻術。眾皆宗仰。

大智度論

祖悉化之。令歸三寶。祖因之造大智度論。中論。十二門論。垂之於世。不啻其千萬偈。悉皆方便開釋正法。以應其機宜。於後乃命迦那提婆曰。如來以大法眼付囑迦葉。乃至於我。我今付汝。聽吾偈曰。為明隱顯法。方說解脫理。於法心不證無瞋。亦無喜。付法已。入月輪三昧。

金瓶梅

廣現神變。復就本座。凝然禪寂。迦那提婆與諸四眾。共建寶塔以葬焉。當此秦始皇帝之世也。正宗

二世

胡亥。始皇帝少子也。元年秋。陽城人陳勝。滎陽夏人吳廣。起兵淮西。斬州。下相人項梁起兵於吳。狄人田儋起兵於齊。勝廣詐稱大楚。勝自立為將軍。廣為都尉。入據陳。陳中父老請立勝為楚王。九月。劉季兵起於沛。是曰沛公。天下豪傑皆起爭。應立六國後。項梁者楚

將項燕之子也。項籍稱梁兄之子。二年。趙高害李斯死。二世以高為丞相。沛公還攻豐。拔之。項梁召諸別將會薛計事。居巢人范增年七十。說梁立楚後。求得楚懷王之孫曰心。夏六月。立心為楚王。從民望也。三年。關東皆叛。趙高恐二世怒。誅及其身。乃謝病不朝。陰與其婿咸陽令閻樂謀易上。更立王子嬰。樂乃將吏卒千餘人入望夷宮。二世曰。吾願得一郡為王。弗許。又曰。願為萬戶侯。弗許。曰。願與妻子為黔首。比諸公子。閻樂曰。臣受命丞相為天下誅。足下麾其兵進。二世乃自殺。趙高乃悉召諸大臣公子曰。秦故王國。始皇君天下。故稱帝。今六國復自立。秦地益小。乃以空名為帝。不可。宜為王如故。乃立始皇故太子扶蘇之子嬰為秦王。令子嬰齋當廟見。受王璽。子嬰為其子謀。曰。丞相高殺二世。恐羣臣誅之。佯以義立我。我稱病不行。丞相必來。來則殺之。已而果自來。子嬰遂刺殺高於齋宮。三族其家。子嬰立。在位四十六日。十月沛公至灞上。子嬰降。

二世元年

壬辰
魏王 咎 趙王 武臣 齊王 田儋 楚隱王 陳勝 燕王 韓廣 元年

漢五年漢滅之

二年 癸巳

魏王豹元年趙王歇元年齊王田佐元年夏六月項梁立楚韓王成

二世三年 甲午 漢元年也

子嬰 始皇太子扶蘇之子立四十六日十月沛公至灞上子嬰素車白馬係頸以組封皇帝璽符節降軹道旁沛公西入咸陽

右秦自昭襄王至子嬰合五十年天下歸漢

西漢 高祖 惠帝 呂后 文帝 景帝 武帝 昭帝 宣帝 元帝 成帝 哀帝 平帝 孺子嬰

劉姓以火德王都長安也今安西路京兆即秦之咸陽漢初用秦正以十月為正月至武帝太初元年始用夏正建寅為正月漢五年天下既定婁敬戍隴西過洛陽因虞將軍見上曰秦地被山帶河四塞以為固宜都之上問羣臣張良曰婁敬說是也即日車駕西都長安拜婁敬為郎中賜姓劉

高祖 諱邦字季沛豐邑中陽里人在秦為泗上亭長也兖州送徒役驪山

蕭何曹參等收沛子弟得三千人以應之秦二世三年十月先入關至灞上秦子嬰降居數日項羽屠咸陽殺秦降王子嬰燒秦宮室秦民大失望項羽陽尊楚懷王心為義帝都郴今桂陽城分天下王諸將羽自立為西楚霸王都彭城今徐州立沛公為漢王都南鄭今陝西

項羽周勃灌嬰樊噲皆勸之蕭何諫之乃遂就國稱漢元年以何為丞相次拜韓信大將引兵出襲雍雍王章邯戰敗走塞王欣直格

王翳皆降以其地為渭南河上上郡漢二年冬十月項王密使九江王樂布等擊義帝殺之江中漢王南渡平陰津至洛陽新城三老董公遮說王曰順德者昌逆德者亡兵出無名事故不成項羽無道放

殺其主大王宜率三軍之眾為之素服以告諸侯而伐之於是漢王為義帝發喪以告諸侯趙王陳餘遣兵助漢項王雖聞漢東欲遂破

齊而後擊漢漢王以故得率諸侯兵凡五十六萬人伐楚遂入彭城項王聞之自以精兵三萬人至彭城大破漢軍圍漢王三市會大風

折木發屋窈冥晝晦楚軍大亂壞散漢王乃得與數十騎遁去審食其從太公漢王父也呂后間行求漢王反遇楚軍項王常置軍中為質漢

其從太公漢王父也呂后間行求漢王反遇楚軍項王常置軍中為質漢

洪溝 四年漢遣侯公說項王羽請太公羽乃與漢約中分天下割洪溝

西歸張良陳平曰漢有天下太半楚兵食盡此天亡之時也今釋弗

擊所謂養虎自遺患也漢王從之五年冬十月漢王追項王至固陵

我何渡焉且籍與江東子弟八千人渡江而西今無一人還縱江東

父兄憐而王我我何面目見之縱彼不言籍獨不愧於心乎乃自刎

而死漢王即皇帝位于汜水之陽漢更王后曰皇后太子曰

皇太子六年夏尊太公為太上皇天下既定命蕭何次律令韓信申

軍法張蒼定章程章者歷數之章術者權衡丈尺斛斗也歷家至

封功臣為列侯剖符作誓丹書鐵契金匱石室藏之宗廟誓曰使黃

河如帶泰山若礪國以永存爰及苗裔帝在位十二年五十三歲崩

惠帝 盈高祖太子在位七年壽二十四歲

呂后 諱雉姓呂氏惠帝母惠帝崩太后取後宮美人子為太子立之太

后臨朝稱制四年少帝知而言之太后遂幽少帝永巷中立恒山

王義為帝更名弘不稱元年以太后制天下事故也至文帝立皆滅

之於邸八年秋七月太后崩壽七十二在位呂祿呂產欲作亂太尉

周勃等誅諸呂諸大臣相與陰謀使人召代王上天子璽符代王讓者五遂乃即天子位

文帝 諱恆高祖第三子封代王陳平周勃既誅諸呂遣使迎王至長安

即帝位十六年又後元七年在位共二十三年壽四十六崩帝除

去肉刑務行寬大身衣弋綈帷帳無文繡治灞陵麟皆瓦器不得以

金銀銅鐵為飾因山不起墳帝專務以德化民海內殷富天下斷獄

十五祖迦那提婆大士

南天竺國人也姓毗舍羅謁龍樹龍樹先以

會既得法至迦毗羅國彼有長者曰梵摩淨德園樹生耳如菌取而

食之隨取隨長祖至其家長者問菌所自祖曰汝家曾供養一比丘

道眼不明虛霑信施報為木菌乃說偈曰入道不通理復身還信施

汝年八十一其樹不生耳長者年八十一樹果不生菌長者捨第二

子羅睺羅多隨祖出家祖度之至巴連弗城有諸外道掩抑佛法祖

往化之有不從者發百千難問祖恣其無礙之辯一皆折之由是廣

百造論議若百論之類是也。勝事既集，以法付羅睺羅多。偈曰：本對傳論，法人為說解脫理，於法實無證，無終亦無始。已而入奮迅三昧，體放全。入光而趣寂滅，眾興塔葬焉。
當此漢文帝之世也。証宗

景帝 啓文帝太子，即帝位七年。又中元七年，又後元三年，共十七年。壽四十八。帝以答法五百三百太重，乃更減答法，遵文帝之業，移風易俗，黎民淳厚。周云成康，漢稱文景。

世宗 武帝 徹，景帝子。在位五十四年。壽終七十一。罷黜百家，表章以六經，興太學，修郊祀，定音律，作詩樂，建封禪，禮百神。紹周後，號令文章煥然。帝雅好儒術，丞相竇嬰、太尉田蚡、御史大夫趙綰，請立明堂，以朝諸侯，薦其師申公。時年八十餘，以為太中大夫。舍魯邸，議明堂巡狩，改歷服色。帝招四方賢材之士，莊助最先進。漢書作嚴助也後得吳人朱買臣，趙人吾丘壽王，蜀人司馬相如，平原東方朔，吳人牧臯，濟南終軍，並在左右。太初元年十一月甲子朔冬至，命司馬遷造漢太初曆，以寅為正月歲首，色尚黃，數用五。然而行兵用武，外開四夷，至于權酒酤，筦鹽鐵，鑄白金，造皮幣。帝始時有年號，自古帝王未有也。即位初曰建元元年。

建元六年 元光六年 元朔六年 元狩六年 元鼎六年 元封六年
太初四年 天漢四年 太始四年 征和四年 後元二年

十六祖 羅睺羅多 大士 迦毗羅國人也。行化至室羅筏城，謂徒眾曰：伽難提安坐入定，伺之三七日，方從定起。祖問曰：汝身定耶？心定耶？提曰：身心俱定。祖曰：身心俱定，何有出入？提曰：雖有出入，不失定相。如金在井，金體常寂。祖曰：若金在井，若金山，井金無動靜，何物出入？提曰：言金動靜，何物出入？言金出入，金非動靜。祖曰：若金在井，出者何金？若金出井，在者何物？往返徵詰，難提豁然。即求度脫。祖以右手擎金鉢，舉至梵宮，取彼香飯，大眾有卻，即命難提分座同食。眾復疑之，意其師弟子混而無品。祖知之，曰：汝不得食，皆由此故。今與吾分座之者，乃過去娑羅王如來也。應物而降跡耳。難提知眾有慢，乃曰：佛滅度後，人無至信，正念輕微，不信真如，唯愛神力。言訖，以右手漸展入地，至金剛輪際，取甘露水，以琉璃器持至會所。大眾見之，即生欽慕，悔過作禮。於是祖命僧伽難提而付法眼，偈曰：於法實無證，不取亦不離。法非有無相，內外云何起。付法已，安坐歸寂。四眾建塔以全。闕全身，當此前漢武帝之世也。証宗

葬 武帝之世也。証宗

全 闕全身，當此前漢

昭帝

弗陵武帝子。在位十三年。壽二十二歲。大司馬大將軍霍光。車騎將軍太僕金日磾。左將軍上官桀。受武帝顧命。遺詔輔政。百姓充實。舉賢良文學。議罷榷酤。始元元年。遣王平等持節行郡國。問民疾苦。冤夫職者。

始元六 元鳳六 元平一

十七祖僧伽難提大士

室羅筏城實莊嚴王之子。生而能言。常讚佛事。年七歲。以偈告父母曰。稽首大慈父。和南骨血母。我今欲出家。幸願哀愍故。父母許其在家出家。復命沙門禪利多爲之師。積十九年。捨離王宮。入定金河大巖石窟。又十年。得法已。行化至摩提國。至山峰下。見一童子。持圓鑑直造祖前。祖問汝幾歲耶。曰百歲。祖曰汝年尚幼。何言百歲。曰我不會理。正百歲耳。祖曰汝善機耶。曰佛言若人生百歲。不會諸佛機。未若生一日。而得決了之。祖曰汝手中者當何所表。曰諸佛大圓鑑。內外無瑕翳。兩人同得見。心眼皆相似。彼父母聞其子語。即捨令出家。祖度之授具戒。名之曰伽耶舍多。他時風吹殿鈴聲。祖問曰鈴鳴耶。風鳴耶。舍多曰非風鈴鳴。我心鳴耳。祖曰心復誰乎。舍多曰俱寂靜故。祖曰善哉善哉。繼吾道者。非子而誰。即付法。眼偈曰心地本無生。因地從緣起。緣種不

昌邑王

賀哀王之子。武帝孫元平元年四月。昭帝崩。無嗣。大將軍霍光與羣臣議立王。王素狂縱。六月受皇帝璽綬。尊皇后曰皇太后。帝每不受諫。在位二十七日。皇太后詔廢之。送昌邑邸。迎立武帝曾孫病已於民間。爲昭帝嗣。更名詢。紀本

中宣帝

詢初名病已。武帝戾太子據。生史皇孫。史皇孫生詢。武帝曾孫也。即位年十八。在位二十五年。壽終四十三。帝興自民間。知民疾苦。自大將軍霍光薨後。始親政事。魏相丙吉爲相。黃霸龔遂輩爲太守。信賞必罰。吏稱其職。民安其業。地節三年。丞相韋賢以老病罷。就第。丞相致仕自賢始。五鳳四年。大司農中丞耿壽昌奏置常平倉。穀賤增價糴以利農。穀貴減價糶民便之。賜壽昌爵關內侯。甘露三年。上以戎狄賓服。思股肱之美。乃圖畫其人於麒麟閣。法其形貌。署其官爵名。惟霍光不名。但曰大司馬大將軍博陸侯。姓霍氏。其次張安世。韓增。趙充國。魏相。丙吉。杜延年。劉德。梁丘賀。蕭望之。蘇武。凡十一人。皆有功德。知名當世。是以表而揚之。明著中興輔佐。列於方叔。召虎。仲山甫焉。詔諸儒講五經同異。蕭望之等平奏其議。上親稱制臨決焉。乃立梁丘易。大小夏侯尚書。穀梁春秋傳士。黃龍元年崩。

本始四 地節五 元康四 神爵四 東漢光武建武十九年追尊宣帝日中宗

元帝 奭宣帝子。在位十六年。壽四十三。班彪贊曰。臣外祖兄弟為元帝侍中。語臣曰。元帝多材藝。善書史。少而好儒。及即位徵用儒仕。委之以政。上牽制文義。優游不斷。帝寬弘盡下。出於恭儉。號令溫雅。有古之風烈。竟寧元年五月崩。

初元五 永光五 建昭五 竟寧一

成帝 駑元帝太子。在位二十六年。壽四十五。建始元年。封舅王崇為安成侯。賜諱商。立根逢時爵關內侯。王氏專政。五侯驕奢。並作威福。永始元年。封王莽為新都侯。綏和元年十一月。大司馬王根薦莽自代。莽為大司馬時。年二十八。莽折節散財交士。以立名譽。綏和二年

三月 帝崩

建始四 河平四 陽朔四 鴻嘉四 永始四 元延四 綏和二

七日 而生

十八祖伽耶舍多士 摩提國人也。姓鬱頭藍。父天蓋母方聖。娠凡七日而誕。童時持鑑出遊。遇難提得度。行化

至大月氏國。至一婆羅門舍。舍主鳩摩羅多。年三十學梵志。適見祖問曰。是何徒眾。祖曰。是佛弟子。彼聞佛號。心神竦然。即時閉戶。祖良久扣其門。羅多應曰。此舍無人。祖曰。答無者誰。羅多聞語。知是異人。遽開門。迎接。祖指其舍簷之下。犬宿之處。為羅多曰。汝父埋金於此。今為犬以守之。遂掘地果得金。乃發宿命智。投誠出家。祖度之授具。已。祖以法眼付之。偈曰。有種有心地。因緣得發明。於緣不相礙。當生不生。祖付法已。踊身虛空。現十八變化。火自焚。眾以舍利起塔供養。當此。前漢成帝之世也。証宗

哀帝 欣元帝孫。成帝弟。定陶共王之子。在位六年。壽二十五。帝屢誅大臣。欲強主威。王莽辭以病免。帝崩無嗣。元后召王莽為大司馬。迎

中山王衍 而立之

建平四 元壽二

平帝 衍元帝孫。中山王箕之子。在位五年。即帝位年九歲。太后臨朝。人司馬王莽秉政。元始元年。賜莽號安漢公。四年夏。加安漢公為宰衡。五年夏。五月。策命安漢公莽以九錫。攝行天子事。冬。十二月。莽因臘日上椒酒。置毒酒中。帝有疾。莽詐作策請命於泰畤。願以身代。藏

策金滕置于殿前。敕諸公莫敢言。丙午帝崩。壽十四。

元始五。

九錫

- 一車馬
- 二衣服
- 三樂則
- 四朱戶
- 五納陛
- 六虎賁
- 七斧鉞
- 八弓矢
- 九鉅鬯

孺子嬰

宣帝玄孫。年二歲立之。有司奏武功長孟通浚井得白石。上圓

符。太后怒。而力不能沮。莽如周公故事。稱攝皇帝。吏民皆稱臣。禮儀皆命。如天子。元年五月。詔莽稱假皇帝。以居攝。三年為初始元年。即真天子位。定有天下之號曰新。以是冬十二月為明一正月。商正也。時孺子未即皇帝位。璽藏長樂宮。及莽即帝位。請璽。太后不肯授。莽使安陽侯舜。諭旨以賜太后。太后出漢璽。投之于地。策命孺子嬰為定安公。

初始元年戊辰王莽篡位

右西漢十四君合二百十四年

新室

王莽字巨卿。元城人。孝元皇后弟。王曼之子。既移漢祚。封太皇太后。王氏曰新室。文母。去漢號。莽恃其詐。慝。煩民玩兵。罪盈怨積。天下怒之。起兵誅莽。漢兵推立劉玄為帝。三輔豪傑共殺莽。莽篡位十四年。三輔者。京兆。左馮翊。右扶風。鳳翔。

建國五 天鳳六

地皇三

更始

劉姓。玄名。字聖公。春陵戴侯曾孫。即位以劉秀為司隸校尉。繼立為蕭王。赤眉入關。立劉盆子而更始亡。更始在位二年。後漢光武建武元年。詔封玄為淮陽王。

劉盆子

城陽景王章之後。王莽末。樊崇起兵於莒。崇慮其眾與莽軍相亂。皆朱其眉以相認。破莽軍。更始二年。以盆子為天子。後漢建武二年。降光武以盆子為趙王郎中。因病失明。十六年復為東漢。

癸未更始元年

梁王劉永據淮南

王李憲據九城稱帝元年

甲申

更始二年

劉永二年

李憲二年

成公孫述據成都。寧朔王隗囂據秦州。

東漢

乙酉東漢光武

建武元年

劉永三年

李憲三年

龍興二年

劉永

梁王劉永據睢陽稱帝。東漢光武建武四年。戊子劉紆元年。次年己丑漢滅之。

李憲

淮南王李憲據九城稱帝。至庚寅光武建武六年漢滅之。

公孫述

據成都稱帝。始甲申終于丙申。建武十二年漢滅之。

隗囂

寧朔王隗囂公孫述立之。據秦州。始甲申終甲午。漢建武十年隗純元年光武滅之。

盧芳

據安定路。今與元號漢稱帝。始乙酉年。曰元年。東漢建武十六十降於光武。

彭寵

漁陽守據檀薊二州稱燕王。始建武丁亥終建武五年己丑光武滅之。

張步

齊王東漢建武三年丁亥劉永立之。建武五年己丑光武滅之。

十九祖鳩摩羅多大士

大月氏國婆羅門子。既得法眼。至中天竺國。有大士名闍夜多。問曰：我家父母素信三寶。

而常縈疾瘵。凡所營作皆不如意。而我鄰家父為旃陀羅行。而身常勇健。所作和合。彼何幸而我何辜。祖曰：何足疑乎。且善惡之報有三時焉。凡人但見仁夭暴壽。逆吉義凶。便謂無因果。虛罪福。殊不知影響相通。毫釐靡忒。縱經百萬劫亦不磨滅。佛說業通三世者。蓋以三世

前世所作善業而報在此生。此生苟為不善則應在來世。故人有此生雖為善而不得其福者。前惡之報勝也。今世雖作惡而不受其殃者。前善之勝也。苟以今生非得福報。復務為惡。而來世益墮惡趣也。苟以此世得其福報。復務為善。而來世益得善趣也。又前世為善其德方半。而改志為惡。及此生也。先福而後禍。此生為惡其事方半。而變行為善及來世也。先禍而後福。今汝父與汝之鄰。其善惡之應不以類至。蓋先業而致然也。豈可以一世求之耶。時闍夜多聞是語已。頓釋所疑。祖曰：汝雖以信三業。而未明業從惑生。惑因識有。識依不覺。不覺依心。心本清淨。無生滅。無造作。無報應。無勝負。寂寂然。靈靈然。汝若入此法門。可與諸佛同矣。一切善惡。有為無為。皆如夢幻。闍夜多承言領旨。即發宿慧。懇求出家。既受具。祖曰：汝當紹行化迹。乃付法眼。偈曰：性上本無生。為對求人說。於法既無得。何懷決不決。又云：此是妙音。如來見性清淨之句。汝宜傳布後學。言訖。即於座上。以指爪務面。如紅蓮華。出大光明。照耀四眾。而入寂滅。闍夜多起塔供養。當此王莽新造之世也。証宗

東漢

都洛陽。今光武 明帝 章帝 和帝 殤帝 安帝 北鄉侯 河南府路 順帝 冲帝 質帝 桓帝 靈帝 獻帝

世祖光武皇帝

諱秀，字文叔，南陽人。漢景帝七世孫。長沙定王發之後。南頓令劉欽之子。癸未更始元年為偏將軍，行大司馬。

事甲申更始二年，立之為蕭王，擊銅馬賊，關西號為銅馬帝。初，光武兵起綠林山，江陵路，荆門，荆州之域。乙酉，諸將議上尊號，帝不許者三四。軍行到南平棘，諸將復固請之，耿純進曰：「不正號位，士大夫望絕散去，難可復合，行至鄗也。」京兆乃命有司設壇場於鄗南，千秋亭，五成陌。六月，即皇帝位，改元建武。大赦，帝在位三十三年，壽六十二歲。崩，帝以仁厚之德，濟英雄之志，即位十六年，而天下為一。精勤為治，保全功臣，尊尚儒術，百姓乂安。幸太學，修文教，非警急不言軍旅，聘隱逸以為不賓之臣。

建武二十中元二

世尊釋迦文佛

入滅至建武二十七年得一千載矣

顯宗明皇帝

諱莊，光武第四子。帝遵建武法度，后妃之家不使預政。臨幸辟雍，養三老五更。至於羽林之士悉通孝經，文教為盛。

功 法令分明。永平三年，圖畫中興功臣，列二十八將於南宮雲臺。又益臣 以正常李通、竇融、卓茂合三十二人，獨馬援以椒房之親不與焉。永

為善

最樂

二十

平四年，東平王蒼來朝，帝問居家何者最樂，對曰：「為善最樂。」帝嘆曰：「此言甚大，可以保國。」二十八將者：鄧禹為首，次馬成、吳漢、王梁、賈復、陳俊、耿弇、杜茂、寇恂、傅俊、岑彭、堅鐔、馮異、王霸、朱祐、任光、祭遵、李忠、景丹、萬脩、蓋延、邳彤、姚期、劉植、耿純、臧宮、馬武、劉隆。

永平十八

佛教流通東土之始

永平七年，帝夢金人長大，項有日光，飛至殿庭，旦問群臣太學，聞人傳毅奏曰：「周昭王時，西域

有佛出世，其形長一丈六尺而黃金色。陛下所夢將必是乎？」博士王遵推周書異記佐之，帝遂遣中郎蔡愔、博士秦景等一十八人使西域求佛法。蔡愔等至天竺鄰境月氏國，遇梵僧攝摩騰、竺法蘭二人，奉佛經像來震旦。陳上遂同東還，永平射摩騰入關獻經像，帝大悅。館于鴻臚寺，蘭亦間行而後至。帝於城西雍門外別立一寺，騰蘭居之，以白馬馱經而來，遂名白馬寺。永平十四年，五嶽道士費叔牙、褚善信等忌之，斥言虛偽，騰蘭白於帝曰：「吾佛出世間法，水火不能壞，請與方士驗之。」帝敕叔牙等盡出所有奇經秘訣，與沙門所持來經像就焚之。正月十五日火作，而沙門諸經完然不燼。方士稽首欽服，帝益異之，由是騰蘭習漢言久之，譯四十二章經，十地斷結佛本生經。

法藏海佛本行等五經。帝嘗幸其寺。騰蘭進曰。寺東何館。帝曰。昔有阜無因而起。夷之復然。夜有光怪。民呼為聖塚。因祀之。疑洛陽神也。騰曰。按天竺金藏詮所誌。阿育王歲如來舍利於天下。凡八萬四千所。今支那震旦境中。十有九處。此其一也。帝大驚。即日駕幸聖塚。而騰蘭隨往拜起。忽有圓光現塚上。三身現光中。侍衛呼萬歲。帝喜曰。不遇二大士。安知上聖遺祐哉。詔塔其上。受制度於騰蘭。塔成九層。高二百尺。明年光又現。有金色手。出塔頂尺許。如琉璃中見。天香郁然。帝駕幸拜瞻。光隨步武旋繞。自午及申而滅。於時皇弟楚王英喜。為浮圖齋戒。嘗奉縑贖繒。帝還之以助伊蒲塞桑門之盛饌。并費長 勸紀。永平十六年。攝摩騰示寂。竺法蘭自譯經五部。凡十三卷。帝在位十八年。壽四十八歲。永平十八年八月帝崩。紀本

二十祖闍夜多大士

中天竺國人也。既得法行化至羅伐城。彼有辯論之師婆修盤頭。常一食不臥。六時禮佛。清淨

無欲。祖欲度之。言以激之。盤頭發無漏智。憶念七劫前。生安樂國。年垂老。行當證果。見大光明菩薩。以策杖靠壁。禮拜菩薩。不知策杖倚。拖盡壁佛面。成大我慢。遂失二果。今獲見師。願垂慈誨。祖即告曰。汝以積德。本當繼吾宗。聽吾偈曰。言下合無生。同於法界性。若能如是。

倒立而化

解。通達事理。竟。祖付法已。倒立奄然而寂。闍維舍利建塔。當此後漢明帝之世也。正宗

肅宗章帝

烜。明帝太子。務從寬厚。除慘酷之科。深元元之愛。著胎養之令。盡心孝道。平徭簡賦。人賴其慶。在位十三年。壽三十三。元

胎養

和二年春正月。詔曰。令云民有產子者。復勿筭三歲。今諸懷姙者。賜胎養穀。人三斛。復其夫勿筭一歲。著以為令。乙丑帝耕於定陶。進幸

孔僖

魯祠孔子於闕里。及七十二弟子。作六代之樂。大會孔氏男子二十以上者。六十二人。帝謂孔僖曰。今日之會。寧於卿宗有光榮乎。對曰。臣聞明王聖主。莫不尊師貴道。今陛下親屈萬乘。辱臨敝里。此乃崇禮先師。增輝聖德。至於光榮。非所敢承。帝大笑曰。非聖者子孫。焉有

斯言乎。拜僖郎中書。

建初八年 元和二年

和帝

肇。章帝第四子。在位十七年。壽二十七。竇太后臨朝。以兄憲為侍中。永元四年。竇氏父子兄弟充滿朝廷。專權。帝以中常侍鄭眾定

宦官

議誅憲。宦官用權自此而始。漢書

永元十六
元興一

殤帝

隆和帝少子。元興元年十二月生。始百日和帝崩。帝即位。鄧太后臨朝。鄧騭為車騎將軍。改元延平。八月帝崩。太后迎清河王慶之子祐為和帝。延平。一。嗣。即皇帝位。一。

恭宗安帝

祐。在位十九年。太后臨朝。建光元年三月皇太后鄧氏崩。凡鄧氏皆免官歸故里。騭自殺。帝始親政事。宦者江京樊豐等及乳母王聖與閹后。妄造虛無。構讒太子。九月廢皇太子保為濟陰王。延光四年三月帝崩。壽三十二歲。

永初七 元初六 永寧一
建光一 延光四

二十一祖婆修盤頭大士

羅閱國人也。姓毗舍佉。父光蓋。母嚴。一。年十一。禮光度。羅漢出家受戒。尋遇闍夜多。大士激發大慧。乃得付法。行化至那提國。彼國王名當自在。王有次子名摩拏羅。王捨出家。祖曰善哉。大王能捨其子。即與授具。付法。偈曰。泡幻同無礙。如何不了悟。達法在其中。非今亦非古。祖付法已。躡身高半由旬。屹然而住。四眾瞻仰。虔請復座。踟躕而逝。茶毗得舍利。

建塔。當此後漢安帝之世也。正宗記

北鄉侯

懿。濟北惠王之子。延光四年三月安帝后閻氏立之。后臨朝十月。北鄉侯薨。十一月中常侍孫程王康等十九人。斬江京等。迎濟陰王保。即皇帝位。時年十二。

順帝

保。安帝太子。既即位。遣侍御史持節收閻顯及其弟耀。晏誅之。遷太后離宮。封孫程等皆為列侯。是為十九侯。立皇后梁氏。在位十九年。壽三十歲。

永建六 陽嘉四 永和六
漢安二 建康一

正一道教

永和六年。四川西道成都路崇慶州鶴鳴山。有士曰張道陵。自號天師。造符水醮籙之術。著道書二十四卷。百姓求其道。咸歸焉。道陵死。傳之子衡。衡死。傳之子魯。盛行於世。道家醮禱宗此而始。傳嗣及今。天下宗仰。是曰正一教焉。

冲帝

炳。順帝子。建康元年八月即帝位。太后梁氏臨朝。永嘉元年正月崩。在位一年。壽三歲。一。

質帝

續章帝玄孫。初冲帝崩。梁太后徵清河王蒜。及渤海孝王鴻之子。續皆至京師。清河王年二十餘。為人嚴重。動止有法。太尉李固欲立之。大將軍梁冀不從。與太后謀。罷蒜歸國。立帝年八歲。帝聰慧。目冀曰。此跋扈將軍也。冀惡之。夏六月。冀使左右置毒。煮餅進之。帝苦煩甚。崩。在位。本初。一年。壽九歲。

桓帝

志。章帝曾孫。年十五。太后猶臨朝政。立皇后梁氏。太后之妹也。帝在位二十一年。壽三十六。和平元年正月。太后詔歸政於帝。二月。太后崩。延熹二年。梁冀秉政。幾二十年。威行內外。天子拱手。帝不平。呼中常侍單超。徐璜。黃門令具瑗。鄒錕。小黃門史左悺。唐衡。定議誅冀。悉收梁氏。百姓莫不稱慶。封單超。徐璜等五人為縣侯。世謂之五侯也。

建和三 和平一 元嘉二 永興二 永壽三 延熹九 永康一

支識

建和二。年。西域月氏國沙門支婁迦讖。亦名支識。至洛陽譯佛經。凡二十一部。計六十三卷。

金像

永興二年。帝鑄黃金浮圖老子像。覆以百寶蓋。宮中身奉祀之。世人以金銀作佛像。自此而始也。三寶

二十二祖摩拏羅大士

那提國常在王之子。年三十。遇婆修大士。出家傳法。至西印度。彼國王名得度。瞿曇種

佛舍利塔

族。於佛乘勤行精進。一日行道處。見一小塔。高一尺四寸。其色青玄。眾莫能舉。王即大會梵行禪觀呪術三眾。問塔所因。眾莫能辯。祖為王曰。此塔阿育王所造佛舍利塔也。四面示相。前則尸毗王割股飼鷹。後則慈力王剗身然燈。左則薩埵太子投崖飼虎。右則月光王捐捨寶首。四面皆是釋迦世尊宿世修道之跡。今王有緣。故出現耳。言已。舉之。王說即傳位太子。投祖出家。是為得度比丘。祖乃往月氏國。受彼王寶印。并尊者鶴勒那供養。鶴勒那問祖曰。我有何緣。鶴眾隨我。祖曰。汝昔嘗為比丘。赴會龍宮。汝弟子眾咸欲隨從。汝觀五百眾中。無有一人堪受妙供。時諸子曰。師常說法於食等者。於法亦等。今既不然。何聖之有。時汝即令其眾赴會。是諸弟子福薄德微。墮於羽族。然已五劫。今乃轉受鶴身。曰。以何方便。令彼解脫。祖曰。我有無上法寶。汝當聽受。化未來際。而說偈曰。心隨萬境轉。轉處實能幽。隨流認得性。無喜亦無憂。時諸鶴眾聞偈。飛鳴而去。祖跏趺寂然。奄化。鶴勒那與寶印王闍維之。歛舍利起塔供養。當此後漢桓帝之世也。正宗記

靈帝

宏。章帝玄孫。河間孝王曾孫也。年十二。竇太后立之。陳蕃多力焉。帝乳母趙嬈音及及諸女尚書中常侍曹節王甫等諂事太后。濁亂

四方。帝在位二十二年。壽三十四崩。

建寧四 熹平六 光和平六 中平六

飯 光和平三年。帝遣中使洛陽佛塔寺飯僧。諸沙門懸繒燒香散華然燈三寶。

江淮寺塔之始

安息國沙門安清。字世高。本世子當嗣位。讓之叔父。出家。桓帝建和二年。至洛陽。譯佛經二十九部。凡一百七十六卷。至是建寧四年。因附舟浮遊至廬山。却音恭亭廟神靈。其能分風。送往來之舟。會艤舟奉牲請福。神降語曰。舟有沙門。可與來。高至。神曰。吾昔與子俱出家學道。吾好施然而多瞋。報形極醜。家此湖千里。皆所轄。旦夕且死。必入地獄。我有縑段。絹雜寶物。可為立法營塔。使我生善處。因泣下。高許之。高徐曰。能出形相勞苦乎。神曰。形惡奈何。高曰。第出之。於是出其首帳中。蓋巨蟒也。悲淚如雨。高取絹物。至豫章。為建大安寺。乃江淮寺塔之始也。神報之曰。生善處已。後人於山西澤中。見死蟒頭尾數里。今潯陽縣有大蛇村。是也。錄

黃。中平元年。黃巾賊滅。初鉅鹿人。今順德路也。張角以妖術教授。號大

中平道。呪符水以療疾病。眾共神之。角弟子周遊四方十餘年。徒眾數十萬。自青徐幽冀荆揚兖豫八州之人。莫不畢應。凡三十六方。方猶將軍也。大方萬餘人。小方六七千人。角弟子唐周上書告之。有詔逐捕角等。角敕諸方俱起。皆着黃巾以為標幟。故時人謂之黃巾賊。旬月之間。天下響應。京師震動。發天下精兵。遣中郎將盧植討之。番當拔之。宦官誣植。詔皇甫嵩討角。嵩與角弟梁戰。大破之。斬梁。角先已病死。剖棺戮屍。傳首京師。

少帝

辯。靈帝子。中平六年四月。靈帝崩。帝即位。年十四。何太后臨朝。封皇弟協為陳留王。宦官蹇碩欲誅大將軍何進而立協。中軍校尉袁紹因勸何進悉誅宦官。進白太后。太后不聽。紹又曰。多召四方猛將。使引兵向京城。以脇太后。進然之。并州牧董卓即時就道。中常侍張讓段珪詐以太后詔。何進斬進於嘉德殿前。袁紹何苗聞進被害。乃引兵屯朱雀闕下。捕得趙忠等斬之。宦官死者二千餘人。讓珪劫帝幸小平津。讓珪急赴水死。卓脇太后廢帝為弘農王。帝在位一百八十日。立其弟陳留王協。殺何太后。卓自為相國。靈帝中平六年四月。帝即位。改元永漢。又改光熹。又改昭寧。後仍作中平六年十月。帝廢。

獻帝

協靈帝中子。董卓逼帝遷都長安。焚毀洛陽宗廟。初平元年正月，關東州郡皆起兵討卓。推渤海太守袁紹為盟主，典軍校尉曹操長沙太守孫堅亦皆兵起討卓。自是孫堅起江浙，袁紹據幽并，劉表據荆楚，劉璋據蜀漢，董卓忍於誅殺，人不聊生。初平三年，司徒王允司隸校尉黃琬等密謀誅卓，中郎將呂布督力過人，卓常以布自衛。允因告以誅卓，布許之。四月，帝有疾新愈，大會未央殿，卓朝服乘車而入，布持矛刺卓，起兵斬之。百姓相慶，歌舞於道。建安元年，曹操迎帝都許，今汴梁路許州。以操為司空，以劉備為豫州刺史。天下紛然。兵起。建安二年，袁術稱帝於壽春。今淮西安豐路。建安十八年五月，封曹操為魏公，加九錫。九錫見前。七月，魏始建社稷宗廟。十一月，魏初置尚書侍中六卿。十九年，劉備圍成都。劉璋開城降。建安二十一年二月，魏公操還鄴。今山西彰德路。五月，進操爵為王。二十二年，詔魏王操設天子旌旗，出入稱警蹕。冕十有二旒，乘金根車，駕六馬。設五時副車，立其子丕為太子。建安二十四年己亥七月，劉備自稱漢中王。曹操表孫權為驃騎將軍，假節領荊州牧，封南昌侯。庚子年正月，操至洛陽薨，壽六十六歲。太子丕嗣王位。年曰延康。十一月，受漢禪。改元黃初。封漢帝為山陽公。帝在位三十年。壽五十四歲。至魏明帝青龍二年薨。謚曰孝獻皇帝。

初平四 興平二
建安四年

譯經

自永平年至建安末，緇素十二人譯佛經律。二百九十三部，計三百九十五卷。開元釋教錄

右東漢十三帝合一百九十五年禪于魏三分天下

子牟

理惑

興平二年，牟子者未詳名字。世稱牟子避世隱居，著理惑設問句。設問曰：何以正言佛？佛為何謂乎？牟子曰：佛者覺也。猶言三皇神五帝聖也。問曰：佛經衆多，欲得其要而棄其餘，直說其實而除其華。牟子曰：否。夫日月俱明，各有所照。二十八宿，各有所主。百藥並生，各有所愈。狐裘備寒，絺綌御暑。舟輿異路，俱致行旅。孔子不以五經之備，復作春秋孝經者，欲博道術，資人意耳。佛經雖多，其歸為一也。猶七典雖異，其貴道德仁義亦一也。孝所以說多者，隨人行而與之。子張子游俱問一孝，而仲尼答之異。攻其短也。何棄之有哉？問曰：佛有三十二相，八十種好，何其異於人也甚矣。殆富耳之語，非實之云也。牟子曰：諺云：少所見多所怪。觀駱駝言馬腫背，堯眉八彩，舜目重瞳，臯陶馬喙，文王四乳，禹耳三漏，周公背偻，伏犧龍鼻，仲尼反頰，老子

日角月淵。鼻有雙柱。手把十文。足踏二五。此非異於人乎。佛之相好。奚疑哉。問曰。孝經言身體髮膚。受之父母。不敢毀傷。曾子臨沒曰。啓予手。啓予足。今沙門剃頭。何其違聖人之語。不合孝子之道也。牟子曰。孝經言先王有至德要道。太伯斷髮文身。自從吳越之俗。違於身體。髮膚之義。然孔子稱之。其可謂至德矣。仲尼不以其斷髮毀之也。豫讓吞炭漆身。聶政皮面自刑。伯姬蹈火。高行截容。君子爲勇而死。義不聞譏。其毀沒也。問曰。夫福莫踰於繼嗣。不孝莫過於無後。沙門棄妻子。捐財貨。終身不娶。何違其福孝之行也。牟子曰。許由棲巢木。夷齊餓首陽。聖孔稱其賢。曰求仁得仁者也。不聞譏其無後無貨也。問曰。佛道言人死當更復生。僕不信此言之審也。牟子曰。人臨死其家上屋呼之。死已復呼誰乎。問者曰。呼其魂魄。牟子曰。神還則生。不還則神何之乎。曰。成鬼神。牟子曰。是知鬼神固不滅矣。但身自朽爛耳。身譬五穀之根葉。魂神如五穀之種實。根葉生而必死。種實豈有終乎。問曰。爲道亦死。不爲道亦死。有以異乎。牟子曰。所謂無一日之善。而問終身之譽者也。有道雖死神歸福堂。爲惡既死神當其殃。愚夫闇於成事。賢智預於未萌。道與不道。如金比草。禍之與福。如白方黑。安得無異乎。問曰。孔子云未能事人。焉能事鬼。未知生焉知死。此聖人之所紀也。今佛家輒說生死之事。鬼神之務。殆非聖哲之語也。

牟子曰。若子之言。所謂見外而未識內者也。孔子以子路不問本末。乃抑之耳。孝經曰。爲之宗廟。以鬼享之。春秋祭祀。以時思之。又曰。生事愛敬。死事哀戚。豈不教人事鬼神。知生死哉。周公爲武王請命曰。旦多才多藝。能事鬼神。夫何爲也。佛經所說生死之趣。非此類乎。

二十三祖鶴勒那大士

月氏國人也。姓婆羅門。父千勝。母金光。年二十二出家。三十歲遇摩拏羅得法。行化至中

印度爲王說法。王欣然歸敬。初大士上足曰龍子。早世。龍子之兄曰師子。依大士得度。一日指東北問衆曰。是何氣象。衆不諳。師子曰。我見氣如白虹。復有黑氣。五道橫亘其中。大士曰。吾滅後五十年。北天竺國當有難起。嬰在汝身。吾將滅矣。今將法眼付囑於汝。善自護持。汝往他國。難累汝躬。慎早付授。無令斷絕。聽吾偈曰。認得心地時。不說不思議。了了無可得。得時不說知。付法已。大士卽騰身太虛。作十八變。復其座寂然遷化。四衆闍維。將分其舍利。務各塔之。大士顯靈降跡而說偈曰。一法一切法。一法一切攝。吾身非有無。何分一切塔。衆卽合一浮圖而供養之。此後漢獻帝之世也。証宗

三國

魏

文帝年。明帝年太和六。邵陵。正始九。高貴。正元三。元。景元四。黃初七。青龍四。景初三。厲公年。嘉平五。即公年。甘露四。帝年。咸熙。

曹姓。以土德。都鄴。古相州。今河東山西道彰德。路也。禹貢冀州之域。後遷洛陽。初。武王操之養子。操於漢末為東郡太守。董卓亂關中。操迎漢帝。都許州。於梁。嶺。後進操爵為魏王。子丕為太子。漢帝建安二十四年。已亥。明年庚子。正月。魏王操自鄴至洛陽。薨。時太子丕在鄴。即魏王位。改元延康。十一月。受漢禪。即皇帝位。改元黃初。大赦。國號魏。追尊父王操。武皇帝。廟號太祖。改相國為司徒。御史大夫為司空。魏五主合四十五年。

蜀

後主。年。建興五。延熙二。景耀五。炎興一。劉姓。備名。字玄德。漢中山靖王勝之後。都成都。西。魏文帝黃初二年。備即皇帝位。於成都。西。武擔之南。建元章武。在位三年。壽六十三。後主在位四十年。二主合四十二年。

吳

權。在位三。黃武七。黃龍三。嘉禾六。赤烏三。太元一。亮。在位六。建興二。五鳳二。太平三。休。在位六。永安六。

皓在位。天興一。甘露一。寶鼎三。建衡三。十七年。鳳凰三。天冊一。天璽一。天紀四。孫姓。名權。字仲謀。堅之子。策之弟也。魏文帝黃初二年。魏拜權為吳王。加九錫。權自公安徙都鄂。更鄂曰武昌。武昌。南。湖北。道。壬寅年。建元黃武。已酉年。四月。權即皇帝位。大赦。改元黃龍。九月。遷都建業。道。東。州也。揚。城。立子和為太子。魯王霸謀去太子。求已代之。權怒。發和為庶人。賜霸死。立少子亮為太子。乙酉年。冬。皓遷都武昌。丁亥年。十一月。還都建業。庚子。晉武帝太康元年。二月。晉伐吳。皓出降至關。夏。四月。晉帝詔賜皓爵歸命侯。吳四主合五十九年。

魏文帝

丕。武帝太子。庚子年。正月。即魏王位。建元黃初。延康十一月。受漢禪。即皇帝位。改元黃初。七。

庚子

魏黃初元年。七。蜀劉氏。吳孫氏。

辛丑

黃初二年。備即皇帝位。魏拜權為吳王。加九錫。權在位三十年。

壬寅

黃初三年。章武二年。黃武元年。七。

癸卯

黃初四年

四月先主殂子禪立
建興元年十五

黃武二年

蜀

章武三年四月先主備殂於永安丞相諸葛亮奉喪還成都謚曰昭烈五月太子禪即皇帝位改元建興

吳

黃武二年西域月氏國優婆塞支謙字恭明博覽經籍遊洛邑黑瘦眼多白睛黃時語曰支郎眼中黃形雖小是智囊避地歸吳吳主悅之拜為博士譯佛經一百二十九部凡一百五十二卷謙受業於支亮亮字紀明亮受業於支識世謂天下博知不出三支弘明集

支

甲辰

黃初五年

禪

建興二年

黃武三年

乙巳

黃初六年

建興三年

黃武四年

魏

陳思王曹植字子建武帝中子十歲誦詩書十萬餘言善屬文每讀佛經留連嗟玩以為至道之宗極轉讀七聲升降曲折之響世皆諷而則之遊魚山聞有聲特異清颺哀婉因倣其聲為梵讚今法事有魚山梵即其餘奏也弘明集

丙午

黃初七年

建興四年

黃武五年

魏

平原王叡甄夫人生文帝子也郭后無子帝使后養之甄夫人被誅未建為嗣黃初七年帝與平原王叡獵見子母鹿帝親射殺其母命叡射其子叡泣曰陛下已殺其母臣不忍復殺其子帝即放弓矢為之惻然夏五月帝疾篤乃立叡為太子丙辰召曹真陳群司馬懿並受遺詔輔政丁巳帝殂壽四十六歲

魏明帝

叡文帝太子黃初七年五月即帝位

太和六年 青龍四年 京初三

丁未

魏

太和元年

蜀

建興五年

吳

黃武六年

戊申

太和二年

建興六年

黃武七年

巳酉

太和三年

建興七年

吳權四月即皇帝位 黃龍元年 遷都建業

庚戌

太和四年

建興八年

黃龍二年

辛亥

太和五年

建興九年

黃龍三年

壬子

太和六年

建興十年

嘉禾元年

癸丑

青龍元年

建興十一年

嘉禾二年

甲寅

青龍二年 二月漢山陽公薨諡孝獻皇帝

建興十二年二月諸葛亮卒

嘉禾三年

乙卯

青龍三年

建興十三年

嘉禾四年

丙辰

青龍四年

建興十四年

嘉禾五年

魏 青龍四年詔公卿舉才德兼備者各一人。司馬懿以兗州刺史王昶應選。昶為人謹厚。名其兄之子曰默。曰沈。子曰渾。曰深。為書戒之曰。吾以四者為名。欲使汝曹顧名思義。不敢違越也。夫物速成則疾亡。晚就則善終。朝華之草。夕而零落。松柏之茂。隆冬不衰。是以君子戒於闕黨也。夫能屈以為伸。讓以為得。弱以為強。鮮不遂矣。夫毀譽者。愛惡之原。而禍福之機也。孔子曰。吾之於人。誰毀誰譽。以彼聖人之德。猶尚如此。况庸庸之徒。而輕毀譽哉。人或毀已。當退而求之於身。若已有可毀之行。則彼言當矣。若已無可毀之行。則彼言妄矣。

當則無怨於彼。妄則無害於身。又何反報焉。諺曰。救寒莫如重裘。止謗莫如自脩。斯言信矣。

丁巳

魏景初元年 魏改蜀正朔

建興十五年

吳嘉禾六年

魏 景初元年正月。山荏音之反。縣言黃龍見高堂。隆以為魏得土德。故其瑞黃龍見。宜改正朔。易服色。以神明其政。變民耳目。帝從其議。三月下詔改元。以是月為孟夏四月。服色尚黃。犧牲用白。從地正也。更命太和曆曰景初曆。三年復寅為正。

戊午

景初二年

延熙元年

赤烏元年

己未

帝崩復實為正景初三年

延熙二年

赤烏二年

魏 景初三年正月。帝手詔召司馬懿於汲。帝執其手曰。吾以後事屬君。君與曹爽輔少子。指齊王芳謂懿曰。此是也。是日立齊王為皇太子。帝尋殂。壽三十六。正月太子即位。年八歲。加曹爽司馬懿侍中。都督中外諸軍。錄尚書事。并州刺史畢軌。及鄧颺。季勝。何晏。丁謐。皆有才名。曹爽輔政。驟加引擢。晏等使爽發詔。轉司馬懿為太傅。外以名號尊之。內欲令尚書奏事先來由已。二月以司馬懿為太傅。以爽

弟羲為中領軍其餘諸弟皆以列侯侍從貴寵莫比
七月帝始親臨朝十二月詔復以建寅之月為正月

魏邵陵厲公

芳明帝養子立為太子即位年八歲大將軍曹爽專政勢傾四方正始八年大將軍爽用何晏鄧颺丁謐之謀遷太

后於永寧宮太傅懿不能禁與爽有隙稱疾不與政事嘉平元年春正月帝謁高平陵大將軍爽與弟中領軍羲武衛將軍訓等皆從太傅懿以皇太后令閉諸城門勒兵據武庫授兵出屯洛水浮橋召司徒高柔行大將軍事據爽營太僕王觀行中領軍事據羲營因奏爽罪惡於帝爽奉帝還宮爽兄弟歸家懿發洛陽吏卒圍守之有司奉爽與何晏鄧颺丁謐畢軌季勝等陰謀反逆收爽等劫以大逆不道夷三族嘉平三年八月太傅司馬懿卒正始九年詔以其子師為撫軍大將軍錄尚書事嘉平五年

庚申

邵陵厲公在位十五年

延熙三年

赤烏三年

辛酉

正始二年

延熙四年

赤烏四年

吳赤烏四年康居國三藏康僧會至吳營立茅茨設像行道國人初見沙門驚異之有司以聞孫權曰是漢明帝所夢佛道之遺風耶

詔至問狀會進曰如來大師化已千年然靈骨舍利神應無方昔阿育王奉之為八萬四千塔此其遺化也權以為誇已曰舍利可得當為塔之苟其無驗國有常刑會請期七日無驗乃至二七日無驗權曰趣烹之會默念佛名真慈夫豈違我哉更請展期又七日五鼓矣聞鏘然有聲起視餅中光明錯發黎明進之權與公卿聚觀嘆曰希世之瑞也會又言舍利威神一切世間無能壞者權使力士搥之砧碎而光明自若權乃為建塔於建業之佛陀里又為寺奉會居焉額曰建初江南寺塔此為始也僧會康居國大丞相之長子也

寺塔

○吳王權問太傅闕澤曰漢明何年佛教入中國何緣不及東方澤曰永平年佛法初至計今赤烏四年則一百七十年矣永平十四年五嶽道士褚善信等乞與西僧牒法於是善信負妾慚而死其徒以屍歸葬南嶽凡中國人例不許出家無人流布加之罹亂歲深方至本國權曰孔子制術典訓教化來葉老莊修身自玩放浪山林歸心澹泊何事佛為澤曰孔老二教法天制用不敢違天佛教諸天奉行不敢違佛以此言之優劣可見也

翻見而稱之曰闕生矯傑仲舒子雲流也澤官至太子太傅

壬戌	魏	正始三年	蜀	延熙五年	吳	赤烏五年
癸亥		正始四年		延熙六年		赤烏六年
甲子		正始五年		延熙七年		赤烏七年
乙丑		正始六年		延熙八年		赤烏八年
丙寅		正始七年		延熙九年		赤烏九年
丁卯		正始八年		延熙十年		赤烏十年
戊辰		正始九年		延熙十一年		赤烏十一年
巳巳		嘉平元年		延熙十二年		赤烏十二年
庚午		嘉平二年		延熙十三年		赤烏十三年

戒律

魏嘉平二年。天竺沙門曇柯迦羅。此云法持。至洛陽譯僧祇戒本。時比丘特剪髮而已。未有律儀。迦羅從之。出戒本。而以戒心為日用。時西域梵僧曇無德。賈四分律。至洛陽。迦羅請曇無德等立羯磨法。有安息國沙門曇諦。至亦善律學。遂同譯出戒經一卷。由是疏決其源。法道遂興焉。中國戒法自此而始。紫芝通論。戒律儀軌。

辛未	魏	嘉平三年	司馬蜀	延熙十四	吳	太元元年
壬申		嘉平四年		延熙十五	吳王四月殂。子亮立。	建興元年
癸酉		嘉平五年		延熙十六		建興二年

二十四祖師子尊者

中天竺國人也。姓婆羅門。少依婆羅僧出家。習定。晚師鶴勒那大士得法。既受懸記。遂乃往於他國。行化至罽賓國。其國先有沙門曰婆梨迦。專習小乘禪觀。黎迦之後。其徒承其法者。遂分為五家。其學有曰禪定。有曰知見。有曰執相。有曰捨相。有曰持不語。然競以其能相勝。尊者皆往正之首。謂持不語者曰。佛教勤演般若。孰為不語。而反佛說耶。次謂捨相者曰。佛

教威儀具足。梵行清白。豈捨相耶。次謂執相者曰。佛土清淨。自在無着。何執相耶。次謂知見者曰。諸佛知見。無所得故。此法微妙。覺聞不及。無為無相。何知見耶。然四者之眾。皆服其教。其五禪觀之眾。其首者名達磨達。號有知識。眾皆尊之。以前四眾之屈。憤然不甘。遂造尊者。欲相問難。尊者謂曰。仁者習定。何乃來此。若此來也。何嘗習定。答曰。我來此處。心亦不亂。定隨人習。豈在處所。祖曰。仁者之來。其習亦至。既無處所。豈在人習。答曰。定習人故。非人習定。我雖去來。其定誰習。祖曰。人非習定。定習人故。當自來去。其定誰習。答曰。如淨明珠。內外無翳。定若通達。乃當如此。祖曰。定若通達。必似明珠。今見仁者。非珠所類。答曰。其珠明徹。內外悉定。我心不亂。猶若是珠。祖曰。其珠無內外。仁者何能定。穢物非動搖。此定不是淨。達磨達義。屈遂禮之曰。我於學道。蓋虛勞耳。非聞斯言。幾不知至尊者當容我師之。祖乃謂之曰。諸佛禪定。無有所得。諸佛覺道。無有所證。無得無證。是真解脫。酬因答果。世之業報。而此法之中。悉不如是。汝若習定。乃當然也。達磨達忻然奉教。祖既攝五眾。名聞遐邇。其國一長者子曰斯多。年僅二十。常握左手。其父求祖醫之。其父先有夢感。夢感緣起祖謂斯多曰。可還我珠。童子遽開手奉珠。長者欣然捨之。出家。祖即與授具。以前緣故。名婆舍斯多。祖曰。此國加難於我。然我衰老。豈更苟免。而我

所傳如來大法眼藏。今以付汝。汝宜奉之。自務傳化。或遇疑者。即將我僧伽黎衣為之信驗。聽吾偈曰。正說知見時。知見俱是心。當心即知見。知見即於今。婆舍斯多奉命。即日去之。居無何。其國果有兄弟二人。兄曰魔目多。弟曰都洛遮。相與隱山學外道法。一旦都洛遮謂其兄曰。我將竊入王宮作法。殺王以奪其國。遂易其徒皆為僧形。其法無効。為國擒之。兵者以沙門奏。王大怒曰。我素重佛。何以為此大逆。遂敕誅沙門。其王彌羅崛。自仗劍詣尊者曰。師得無相法耶。曰。得。王曰。生死有懼乎。祖曰。已離生死。何有懼也。王曰。不懼。可施我頭。祖曰。身非我有。豈況於頭。王即斬之。尊者首墮。白乳湧高丈許。王之右臂即截然自絕。尋病七日而死。王方疾時。太子兪首。大募力士為父悔謝。有儒者自象白山來。謂兪首曰。此夙對。不必憂也。太子憂解。塔師子尊者遺骸於被害處。當此魏邵陵厲公齊王芳之世也。正宗魏帝在位十四年。與左右謀誅大將軍司馬師不克。甲戌年九月。大將軍師乃謀廢帝。召群臣會議。奏太后。收帝璽綬。歸藩于齊。使郭芝入白太后。授帝齊王印綬。為築宮於河內。迎立東海王之子髦。至晉受魏禪。封齊王曰邵陵公。晉泰始十年。薨。謚曰厲。壽四十三歲。

魏高貴鄉公

髦。東海王霖之子。文帝孫也。甲戌年九月。司馬師迎帝立之。正元二年正月。司馬師卒于許昌。二月。詔其弟昭為大

將軍錄尚書事。甘露元年四月，賜大將軍昭亮冕之服，赤舄副焉。三年五月，詔以司馬昭為相國，封晉公，加九錫。昭讓乃止。甘露四年春正月，黃龍二見寧陵井中。帝曰：龍者君德也。上不在天，下不在田，而屈於井中，非嘉祥也。作潛龍詩以自諷。司馬昭見而惡之。在位七年。

正元二
甘露五
帝祖

甲戌

魏

正元元年

九月蜀
改

延熙十七年

吳

五鳳元年

乙亥

正元二年

正月司
馬師卒

延熙十八年

五鳳二年

丙子

甘露元年

延熙十九年

太平元年

丁丑

甘露二年

延熙二十年

太平二年

沙門
之始

魏

許州名潁川，豫州郡。朱士衡棄俗出家，為漢地沙門之始。於洛陽講道行經，為此土講經之始。經有疑，士衡直往西域求梵夾證之。傳

戊寅

甘露三年

景曜元年

吳景帝休權第六子
永安元年

吳

吳主亮，權之少子也。年九歲即位。在位六年，為人聰偉。孫琳憚之不朝，亮乃與全尚謀誅琳。事泄，九月琳夜以兵圍宮，廢亮為會稽王。迎立瑯琊王休琳，復有怨言。休銜之，密與張布丁

奉謀，因臘會誅琳夷琳三族。休景帝也。在位六年。誌

己卯

魏

甘露四年

蜀

景曜二年

吳

永安二年

魏

庚辰年正月，帝見威權日去，不勝其忿。五月，召侍中王沈、尚書王

經、散騎常侍王業，謂曰：司馬昭之心，路人所知也。吾不能坐受廢辱。今日當與卿自出討之。王經曰：昔魯昭公不忍季氏，敗走失國，為天下笑。今權在其門，為日久矣。陛下一旦如此，無乃欲除疾而更深

之耶？禍殆不測，宜見重詳。帝乃出懷中黃素投地曰：行之決矣。遂拔劍升輦，率殿中宿衛蒼頭官僮鼓譟而出。中護軍賈充自外入，逆與

帝戰於南闕下。太子舍人成濟問充曰：事急矣，當云何？充曰：司馬公

畜養汝等，正為今日。濟即抽戈刺帝，殞於車下。壽二十歲。昭入殿中，

召群臣會議。尚書左僕射陳泰不至。昭使其舅尚書荀顛召之。泰入見悲慟。昭亦對之泣曰：玄伯卿何以處我？泰曰：獨有斬賈充少可以謝天下耳。昭久之曰：卿更思其次。泰曰：泰言惟有進於此，不知其次。昭乃不復更言。太后下令罪狀高貴鄉公廢為庶人，收王經及其家

屬付廷尉經謝其母。母怡然笑而應曰。人誰不死。正恐不得其所以。此并命。何恨之有。太傅司馬孚等請以王禮葬高貴鄉公。太后許之。使中護軍司馬炎迎燕王宇之子。常道鄉公璜於鄴為明帝嗣。六月太后詔常道鄉公更名奐。即皇帝位。時年十五。

魏元帝

奐武帝孫。在位五年。禪於晉。封帝為陳留王。宮于鄴。至惠帝太安元年薨。壽五十八。謚曰魏元皇帝。成熙一。

庚辰

魏六月改
景元元年

蜀
景曜三年

吳
永安三年

辛巳

景元二年

景曜四年

永安四年

壬午

景元三年

景曜五年

永安五年

七 譙郡嵇康。文辭壯麗。好言莊老。而尚奇任俠。與陳留阮籍。籍兄子咸。賢。河內山濤。河南向秀。琅琊王戎。沛人劉伶。特相友善。號竹林七賢。

癸未

魏分益州為梁州
蜀改炎興元年後主吳
禪降魏封扶風王

永安六年

甲申

咸熙元年

吳主休五月殂。皓立元興元年

吳 永安七年五月休死。謚曰景皇帝。丞相濮陽興左將軍張布。音。說朱太后不立休子寶。乃立皓。皓權太子和之子。改元元年。音。

譯 西域沙門至魏譯佛經凡六人。曰曇柯迦羅。曇無德。經 康僧鎧。支彊梁。接白延。支彊梁樓。出經律論十二部。

魏 咸熙元年三月。進晉公昭爵文王。五月追命舞陽文宣侯司馬懿為晉宣王。忠武侯司馬師為景王。乙酉年五月加文王世子曰太子。八月文王司馬昭卒。太子嗣為相國。晉王十二月。帝禪位于晉王。

右魏五主合四十五年天下歸晉

雷 按吳主詔曰。太子名雷。音如湖水灣。與之灣字也。

姓司馬氏。河內人。世執魏政。受魏禪。王金德。都上洛。曰西晉。移都建康。曰東晉。

西晉 武帝 惠帝 懷帝 愍帝

武皇帝

諱炎。字安世。文帝昭之子也。受魏禪。即皇帝位。封魏帝為陳留王。追尊晉宣王懿為高祖宣皇帝。愍。景王師為世宗景皇帝。

師字 宣帝長子也。壽四十八歲。文王昭為太祖文皇帝。琨字 景帝母弟也。壽五十五歲。武帝在位二十五年。壽五十五歲。

泰始十 咸寧五
太康十

乙酉

泰始元年

十帝崇重佛事
廣造伽藍劫

吳

甘露元年

徙都
武昌

報應

吳主皓始卽位徧毀神祠。波及梵宇。臣僚諫曰。先帝感瑞。翔寺不可毀也。皓乃遣張昱往告康僧會。會挫其辭。理辯鋒出。昱不能屈。歸以會才高。聞皓召至。問曰。佛言善惡報應。可得聞乎。會曰。明主以孝慈治天下。則赤鴉翔而老人醒。見以仁德育萬物。則醴泉冽而嘉禾茁。善既有應。惡亦如之。故爲惡於隱。鬼得而誅之。爲惡於顯。人得而誅之。易稱積善餘慶。詩美求福不回。雖儒典之格言。卽佛教之明訓。皓曰。然則周孔旣明。安用佛教。會曰。周孔不欲深言。故略示其跡。佛教不止淺言。故詳示其要。皆爲善也。聖人惟恐善之不多。陛下以爲嫌何也。皓無以辭之。遂罷。皓有疾。請會說法悔罪。會爲開示玄要。及授五戒。少頃疾愈。由是奉會爲師。崇飾寺塔。珽林。

丙戌

泰始二年

吳

寶鼎元年

燉煌菩薩

月氏國沙門竺曇摩羅。察晉言法護。至洛陽。護學究三六國道術。兼通其事。及自天竺大賞梵本。婆羅門經。達于

初法華經

五門。因居燉煌。世號燉煌菩薩。初譯法華經。曰正法華者。是也。後遊洛邑。及之江左。晉懷帝永嘉中。隨處譯經。未嘗暫停。時優婆塞聶承遠。執筆助翻。番四百卷。及承遠卒。其子道真。詢稟咨承。法護筆授。道真亦自譯經六十餘卷。時晉沙門釋法炬。法立。支敏度。及優婆塞衛仕度等。譯出衆經。炬與立等。每相叅合。廣略同異。編次部類。凡一百四十餘卷。復有沙門曇良。樓至。安法欽。竺叔蘭。白法祖。支法度等。各出衆經。所以西晉已來。宣譯增盛。教相廣流。此土者。法護有殊功。護所譯經。凡一百七十五部。至晉愍帝建興元年。絕筆不譯。護嘗於燉煌。沙地。甘肅省沙州。路也。建立伽藍。精進行道。秦築長城。西不過臨洮。則未有此地。漢爲燉煌郡。陽關。玉門關。注水在焉。漢武帝嘗得奇馬於水邊。是也。

丁亥

泰始三年

吳

寶鼎二年

還都
建業

戊子

泰始四年

寶鼎三年

己丑

泰始五年

建衡元年

庚寅	泰始六年	建衡二年
辛卯	泰始七年	建衡三年
壬辰	泰始八年	鳳凰元年
癸巳	泰始九年	鳳凰二年
甲午	泰始十年	鳳凰三年
乙未	咸寧元年	天冊元年
丙申	咸寧二年	天璽元年
丁酉	咸寧三年	天紀元年
戊戌	咸寧四年	天紀二年

巳亥 晉

咸寧五年

吳皓

天紀三年

庚子

太康元年

四月 滅吳

天紀四年
四月祚終

夏四月孫皓歸晉。賜爵歸命侯。吳四主合五十九年。譯經道俗四人。出經一百八十九部。凡四百一十七卷。講法師康僧會。是年九月入滅。會譯經十四部。凡三十卷傳。

辛丑太康二年

壬寅太康三年

世尊舍利

是年出現明州 今浙東道今 阿育王山廣利禪寺 初規闡

癸卯 甲辰 乙巳 丙午 丁未 戊申 己未

朱士衡初魏高貴鄉公甘露二年。講道行經。有疑難。直往西域求梵本。證之至是丁未年。得梵本於于闐國。將發歸程。于闐小乘眾白其國王曰。漢人欲以婆羅門書惑亂正典。王若不禁。將盲聾漢地。士衡憤。既曰此佛經也。乃求燒經為證。王積薪縱火。火燼經在。光明錯發。

王眾駭服。王乃津遣送達洛陽。士衡復至許昌。又二年。已酉。太子于闐國尊者無義。羅所譯放光。般若經三十卷是也。康十年。

惠帝

諱衷。字正度。武帝第二子。泰始二年立為皇太子。為人驕驕。母楊皇后保護之。武帝亦以皇孫適聰慧。故不忍廢。武帝崩。太子即位。

專揚皇后曰皇太后。立妃賈氏為皇后。八月立廣陵王適為皇太子。至丙寅光熙元年也。十一月帝食餅中毒崩。在位十七年。四十八歲。帝於洛下造興聖寺。常供千僧。明。

永熙一 元康九 永康一 永寧一
大安二 永興二 先熙一

庚戌永熙元年

四月武帝崩。帝即位改元。

辛亥元康元年

正月改永平。又改元康。紀。

皇后賈氏險悍多權。略不肯以婦道事太后。欲干預政事。為太傅楊駿所抑。二月后密與殿中郎孟觀李肇謀誅駿。夷三族。死者數千人。后矯詔送太后永寧宮。鏡嬪城徵宣帝子汝南王亮為太宰。與太保衛瓘皆錄尚書事執政。亮瓘惡衛軍將軍楚王瑋。弟也。剛懷好殺。罷其軍權。遣之國。瑋忿怒。六月后使帝手詔賜瑋。免亮及瓘官。瑋遂勒本軍。矯詔執亮瓘殺之。太子少傅張華使董猛說賈后。宜以瑋專殺之罪誅之。后亦欲殺瑋。華白帝遣殿中將軍王宮齎駟虞幡。麾眾曰。楚王矯詔勿聽也。眾釋仗走。執瑋下廷尉斬之。於是賈后專朝矣。紀。

虞幡

元康六年

丙辰 西竺

沙門耆域初來交廣。既達襄陽。此年至洛陽。見比丘衣服華麗。乃曰。大違戒律。非佛意也。太守滕承

戒律

文兩腿攣屈。經年不能起行。求域治之。域以淨衣楊枝拂之者三。滕即能行。域知世之將亂。乃辭歸天竺。有僧乞言為誠。域令會眾。眾集。域陞座曰。守口攝身意。慎勿犯眾惡。修行一切善。如是得度世。言訖便默。眾遮道請中食者數百人。域許之。明日域分應其家。各喜其來。及發洛南徐行。而追者莫及。域以杖畫地曰。于此訣矣。是日有出長安者。見域在大寺。有賈胡濕登者。其夕會域宿於流沙。麟。

巳未

元康九年賈后計謀廢太子適。以帝弟成都王穎鎮鄴。以宣帝弟之孫河間王顥鎮關中。

庚申永康元年

正月賈后殺太子適於許昌。四月趙王倫。宣帝弟也。以孫秀計討賈后。廢為庶人。斬賈謐。倫陰與孫秀謀篡

謐故

位。先除朝望。且報宿怨。執張華裴頠解系等斬之。倫矯詔賜賈后死。謐故太子適曰愍懷。秋八月孫秀以宿恨害石崇。詔加相國倫九錫。

辛酉永寧元年

正月相國倫使散騎常侍義陽王威逼奪帝璽綬使禪位于倫。倫備法駕入宮，即皇帝位。改元建始。帝出居金墉城。惠帝弟齊王問成都王穎、河間王顒、常山王乂等。四月起兵討倫。斬孫秀等於中書省。迎帝於金墉城復位。賜倫死并收其子。考切無誅之。六月詔齊王問為大司馬，加九錫。九錫見常山王改封長沙。

壬戌大安元年

齊武閔王問既得志，頗驕奢擅權。中外失望。主簿顧鱸魚膾歎曰：人生貴適志耳，富貴何為？即引去。榮故酣飲不省府事。河間王顒上表陳問罪狀，且言勒兵十萬欲與成都王穎、新野王歆、范陽王虓會洛陽請長沙王乂廢問還第。以穎代問輔政。顒遂舉兵。帥張方等趨洛陽，遣使邀穎。十二月顒表至，問大懼。張方帥兵二萬軍新安，檄長沙王乂使討問。乂將左右百餘人入宮閉諸門奉天子。攻大司馬府連戰三日，問眾大敗。大司馬長史趙淵執問以降。問至殿前帝惻然欲活之，乂叱牽出斬於閭闔門外。同黨皆夷三族。長沙王乂雖在朝廷事無巨細皆就鄴諮大將軍穎。穎以孫惠為參將。陸雲為右。是歲陳留王薨。謚曰魏元皇帝。

癸亥太安二年

成 李特 前凉 慕容廆代 拓跋祿官 建初元年張軌 始出仕 後曰昭帝 九年 大將軍穎恃功驕奢，百度弛廢甚於齊王問。時嫌長沙王乂在內，不得逞其欲。八月穎與河間王顒共表乂專擅朝廷，起兵誅之。顒以張方為都督，將兵自函谷東趨洛陽。以平原內史陸機為前將軍，督石超等軍南向洛陽。屯於河橋。詔以乂為太尉都督中外諸軍事，以禦之。十月太尉乂奉帝與陸機戰于建春門，機軍大敗。赴七里澗，死者如積。水為之不流。石超遁去。穎收機殺之，并其弟雲。張方兵逼京師。

甲子 晉 永興元年

漢劉淵據平陽成，雄都。益前凉慕容廆代 拓跋 元熙元年 建興元年張軌 廆代 十年 長沙厲王乂屢與大將軍穎戰。正月東海王越之宣帝弟，慮事不濟，潛與殿中諸將夜收乂送別省。啓帝下詔免乂官，置金墉城。越欲殺乂，以絕衆心。乃遣人密告張方。方取乂至營殺之。大將軍穎入京師，復還鎮于鄴。詔穎為丞相，加東海王越守尚書令。穎表盧志為中書監，參署丞相府事。河間王顒還鎮長安。二月丞相穎表廢皇后羊氏，幽于鄴。穎僭侈日甚，嬖倖用事，大失衆望。司空東海王越與乂故將右衛將軍陳胗等謀討之。河間王顒遣張方鎮洛陽，穎拒之。由是顒、穎

有隙七月戊戌復皇后羊氏及太子覃。已亥越等奉帝討頴。頴遣石超帥眾五萬拒戰。乘輿敗績於蕩陰。百官侍御皆散。侍中嵇紹朝服下馬登輦。以身衛帝。頴兵斫紹血濺帝衣。帝墮草中。亡六璽。帝如鄴。幸頴營。司空越奔下邳。八月復廢太子覃及羊氏。司空越弟東瀛公騰王浚。合兵擊頴將王斌。大破之。鄴中大震。百僚奔走。士卒分散。盧志勸頴奉帝還洛陽。頴將張方擁兵專制朝政。太弟頴不得復預事。張方在洛既久。兵士剽掠。眾情喧喧。十一月張方劫帝遷都長安。軍人分爭府藏。魏晉以來蓄積掃地無遺。帝入長安。復皇后羊氏。詔太弟頴以成都王還第。更立豫章王熾為皇太弟。帝兄弟二十五人。時存者唯頴熾及吳王晏。晏材質庸下。熾冲素好學。故太宰頤立之。締乙丑晉 永興二年 漢 元熙二年 成 建興二年 前凉 慕容廆代

東海中尉劉洽。以張方劫遷車駕。勸司空越起兵討之。七月越傳檄山東。征鎮云。欲糾率義旅奉迎天子。還復舊都。於是范陽王虓。鎮鄴。及王浚等。共推越為盟主。浚遣其將祁弘帥突騎鮮卑烏桓為越先驅。太宰頤大懼。斬張方首送越。

丙寅晉 光熙元年 漢 元熙三年 大成 雄即皇帝位 前凉 慕容廆代

夏五月初弘等西入關。太宰頤單馬逃入太白山。弘等入長安奉帝東還洛陽。以司空越為太傅錄尚書事。范陽王虓鎮鄴。南陽王模鎮許昌。王浚幽州刺史。頴為劉興所殺。顯為南陽王模所殺。十一月帝崩。

懷帝 諱熾。字豐度。武帝第二十五子。永興元年立為皇太弟。光熙元年十一月惠帝崩。皇太弟即帝位。永嘉五年為漢兵所執。遷帝及六璽於平陽。今晉寧州之城。漢主聰封帝為特進左光錄大夫平阿公。壬申年又封曰會稽郡公。癸酉年二月帝遇害。壽三十歲。

丁卯	晉 永嘉元年	漢 劉淵大成	李雄前凉	慕容廆代	拓跋
戊辰	永嘉二年	漢 淵即皇帝位 永鳳元年	晏平二年 張氏		
巳巳	永嘉三年	河瑞元年	晏平三年 前凉		代
庚午	永嘉四年	光興元年	晏平四年 前凉		代 倚廬居代稱公 後尊之曰穆帝
			晏平五年 前凉		

辛未 永嘉五年漢 聰 大成 前凉 代公
漢兵執帝 平元年 王衡元年

壬申 本紀書 永嘉六年 嘉平二年 王衡二年 前凉 代公

愍帝 諱鄴字彥旗。吳王晏之子。武帝之孫也。洛陽不守。懷帝蒙塵。荀組等奉帝為太子。建行臺於長安。立社稷。癸酉年二月。懷帝遇害。四月。凶問至長安。羣臣奉帝即位。改元建興。四年九月。漢大司馬劉曜逼長安。十一月。帝謂羣臣曰。今厄如此。當忍恥出降。以活士民。羣臣號泣。攀車執帝手。劉曜使宗敞奉帝還宮。丁酉。遷帝及公卿以下於其營。辛丑。送至平陽。漢主聰以帝為光祿大夫。封懷安侯。丁丑年十一月。遇害。帝長安造通靈壽十八歲。白馬二寺。明

建興 四
 癸酉 晉建興元年 漢 嘉平三年 大成 王衡三年 前凉慕容廆代公 張氏

石 佛 三月有二佛石像。浮海入吳松江。扈瀆士民共瞻其浮遊。至師士庶爭往迎之。風濤涵湧。吳縣朱膺者。素奉佛。往迎像。接之登舟。其輕如

羽。佛之背題名。一曰維衛。一曰迦葉。奉安通玄寺。縣平江路也。梁簡文皇帝製記作讚。碑文記

甲戌 晉 建興二年 嘉平四年 王衡四年 前凉 代公

乙亥 建興三年 漢拜石勒為陝伯 建元元年 王衡五年 前凉 代公

丙子 晉建興四年 漢 劉聰 大成 李 前凉慕容廆代公 拓跋 漢兵執帝 麟元元年 王衡六年 張鑿

西晉華戎譯經道俗十二人出經律六百卷。建寺一百八十所。度僧尼三千七百餘人。明

右西晉四帝合五十二年移都建康。初曰建業。避愍帝諱。改曰建康。

雜處中夏。接于晉魏之國者。開橫曆列於繫統。甲子之下方冉魏不在十六國數

十六 國 漢劉淵趙劉曜見東晉成帝咸和三年。前凉張軌見東晉武帝太元元年。

成李特後改曰漢。見東晉穆帝永和三年。後趙石勒見東晉穆帝永和五年。

前燕慕容廆初自惠帝大安二年出仕見東晉廢帝太和五年

前秦苻氏見東晉武帝太元十九年

後秦姚氏見東晉安帝義熙十三年

後涼呂光見東晉安帝隆安五年

西秦乞伏國仁見宋文帝元嘉五年

後燕慕容垂見東晉安帝義熙三年

南涼秃髮烏孤見東晉安帝義熙十年

西涼李暠見宋武帝永初三年

北涼沮渠蒙遜見宋文帝元嘉十六年

北燕馮氏見宋文帝元嘉十三年

大夏赫連勃勃見東晉安帝義熙二年

南燕慕容德見東晉安帝義熙五年

元魏西東分理之後

東魏禪于齊周滅齊
西魏禪于周周禪隋

來

禮

新

